

前蒙古紀事本末



6390346

前蒙古紀
事本末

光緒乙巳仲秋
上海春記校印

蒙古紀事本末序

蒙古紀事本末如干卷蓋予友韓唱虞氏之所撰也唱虛學無所不窺鉅製之暇多事著述此書其尤偉博者承不棄命予序予序曰惟日來吾國憂時憔悴之士相與談邊乘輒悚心怵魄於滿洲覆軫顛聲以號曰危乎殆哉吾中國也吾中國之蒙古也強者勢者狡且逞者抵隙紛至眈眈若虎狼失此不早圖西北之備虛屏障隳矣藩籬撤矣則亦第二之滿洲矣此其言之沈痛愀切著炳乎時局而道擊乎國防亦何悠然懷先識也夫誠願代蒙古而經畫之必先就蒙古之歷史而研究之其民族若何其疆域若何其於世界之位置本部之支配又若何一一識之吾胸吾始能為蒙古壽而吾國邊庭之憂庶幾其終焉也謂非先識中之先識與夫蒙古歷史者非徒與吾國有密切之關係即與斯拉夫民族亦有莫大之影響始終相交互相牽連者也當其全盛事威被蹕厲沈沈一世之雄戰必勝攻必克鞭亞華歐無敢或犝犝也而暨乎衰微瓦解土崩其兵力曾不足以自救在吾國者明臣徐達任驅除之而塞北分鎮諸侯王亦後先見逐於斯拉夫國部世移勢貿返其故居遂俯首帖耳晞保護於前復蒙古紀事本末

新序

吾國國旗之下矣積貧疊弱以訖於今茲所幸告無事者彼強俄方租旅順據遼城並葺牟勤視綫未遑他瞬也自二十世紀之開幕俄乎俄乎於滿洲無所發揚其勢力失諸東隅收諸桑榆而蒙古地位乃益陷於山川破碎風雲黯澹之中儼然不能終日烏乎天演物競今昔殊異之感甯可免哉甯可免哉然則唱虛之為此書也豈第連類比事甄摘本原與吾家天如夸其該洽而已毋亦經世所寄俾吾國人之譚蒙事者探策一二有以推微而知著觀往而察來辨其民族理其疆域審其世界之位置詳其本部之支配綢繆未雨綉一抵禦強鄰當軸君子以及憂時憔悴之士或有取焉萬里龍荒書缺有問則訂證之功蒐採之力唱虛亦可謂篤且勤矣丙午孟夏丹陽張素序

前蒙古紀事本末自序

蒙古在唐時為蒙兀崛起艱難克魯倫河間當時成吉思汗奮其雄略以鞭笞諸部北併欽察西抵富浪南薄忻都皆禹迹所未及漢唐所不征惜乎元史疏略遺漏實多攷古者有餘憾焉昔袁氏作通鑑紀事本末後張洽甫仿其體例纂成西夏一書夫以西夏僻處一隅其幅員之大武功之盛遠不及蒙古而後人猶以其事為當紀則蒙古事之本末尤不可不紀也固明甚爰搜私家著述條分而縷晰之自出阿兒格乃萊山始至至元八年建國號曰元止編為前蒙古紀事本末云

光緒三十年正月望日曲阿韓善徵止仙氏叙

前蒙古紀事本末

序

一

前蒙古紀事本末凡例

一宋濂等修撰元史急於歲事最為闕略上有土敦過爾下至太定憲三宗事
迹每多疏漏此編於私家紀述及泰西書之可節取者皆詳錄無遺

一元史本紀列傳間亦登載成吉思汗以前事實但中多訛舛要難盡憑故此
編所纂旁搜私家諸書而元史雖詳不輕入

一此編既名蒙古紀事本末則至元八年前事自當畧韓凡他書無從掇拾而
僅見於元史者第略舉始末以其詳已分見於宋元紀事本末兩書之中無
庸多贅也

一此編紀事之例自當以至元八年為止但其中有本已具而未猶未及者則
於本篇用小字附載之其已見於元朝紀事本末者則曰其事皆在建號曰
元之後

一蒙古之所征服部族頗多其有事可紀者則分篇敘述若事本無多則於諸
篇中錯出之

一私家各種成吉思汗七世祖前後事實敘述甚略復不依時序故當日聲
前蒙古紀事本末

凡例

與年分皆不足徵而史中僅曰蒙古名多不傳此編參攷編年各史旁証泰
西紀年等書必求相符非同臆斷如攻取金國一篇首條皆是

一此編以紀事為主與攷訂之體不同其人名地名部族名之確有可據者皆
於各篇中分注要必求諸簡明不事旁徵博引而繙改之歧異者間亦做此
例以注於下

一此編既分編以紀始末其有事實可採而又不容橫插以隔斷文氣者則於
每篇中用小字分注之而論說之收入者亦做此式

一此編所注之人名地名部族名及所採論說概不標明姓氏既省其文又免
混讀者之日

一諸家紀述蒙古事實每多不經此書則取文之雅馴而縉紳難言者概不具
錄其詞之鄙俚者脩飾之

一紀事本末諸種每篇皆以時之先後為次此書則因類編纂而每類之中又
分先後為上與下兩卷

前蒙古紀事本末目錄

卷上

蒙兀始基

誕生靈異

定宗嗣立

皇后攝政

太祖納妃

諸王構譽

初定官制

畏兀兒歸附

汪罕叛服

翁吉剌叛服

伐滅蔑兒乞

卷下

蒙兀嫡派

太祖稱汗

憲宗嗣立

太祖諸弟世系

太祖公主下嫁

諸王叛逆

立西域長官

克兒漫歸附

札木哈叛服

伐滅泰亦赤兀

伐滅塔塔兒

蒙兀旁支

太宗嗣立

世祖嗣立

太祖諸子世系

諸王封地

立國初政

汪古歸附

海拉脫歸附

哈答斤等叛服

伐滅主兒乞

伐滅乃蠻

前蒙古紀事本末

目錄

攻取西夏

征撫高麗

平木刺夷

平阿速

征馬加波蘭等國

降角兒只

降林木種中人

攻取金國

平西域

平報達

平奇卜察克

征乞兒吉思

降羅姆

略定禿馬

攻取南宋

平西域鄰部

平康里

平俄羅斯

征印度

降小阿昧尼亞

前蒙古紀事本末卷上

丹陽韓善徵止仙編輯

蒙兀始基

相傳古時蒙兀與他族戰全軍覆沒僅遺男女各二人遁入一山斗絕險巖惟一徑通出入而山中壤地寬平水草茂美乃攜牲畜輜重往居名其山曰阿兒格乃蒙二男一名腦古一名乞顏乞顏義為年湮急流以其膂力邁眾一往無前故以稱名後世地狹人稠乃謀出山而舊徑蕪塞且苦艱險繼得鐵礦洞穴深邃爰代木熾炭篝火穴中宰七十牛剖革為筒鼓風助火鐵石盡鏗衢路遂開後裔於元旦鍛鐵於鑪君與宗親次第授之者為典禮

朵丹巴延居於幹難克魯倫土拉之河發源之地不兒罕哈勒敦山

土敦邁甯生九子而卒其妻莫奴倫亦稱莫奴倫塔兒蒙義謂有力居於諾賽兒吉及黑山之地畜牧饒富每登山以觀牲畜遍野顧而樂之時有札刺亦兒部居克魯倫河濱以車為關每一千車為一庫倫庫倫義為圍子共有庫倫七十常恃其眾與乞解即契丹蒙古稱金亦曰戰爭乞解遣大軍至札刺亦兒人貌視之解此乞解當是遼

前蒙古紀事本末

卷上

蒙兀始基

隔河而招速請過河取我牲畜然乞解軍盛東後渡河大敗其眾俘戮無算有敗眾以七十車載老幼逃至莫奴倫牧地饑困掘速却遷草根為食以是地多坎窞莫奴倫見之謂我子牧地何得踐擾以是致爭鬪莫奴倫及其八子皆被害幼子海都之伯叔納臣娶肯布特氏女居婦家聞難來視則惟海都被匿得免其後率族眾攻札刺亦兒人取為奴僕海奴遷於巴兒忽真土窟姆為蒙兀之外界造路於河上通往來名曰海都亦拉勒海納臣則居幹難河

哈不勒汗威望甚盛統轄蒙兀全部是時始有汗號金主聞其名至禮遇甚優金人多詭計哈不勒汗常飲食中毒筵宴時每託詞沐浴而離席嘔吐食物乃復入席眾皆驚其飲噉過人一日酒醉鼓掌歡躍持金主鬚廷臣怒其失禮金主不怒而笑哈不勒汗惶恐謝罪金主謂小過釋不問仍厚贈遣歸金之大臣謂縱此人將為邊患遣使要以返哈不勒汗不從辭意強橫金主再遣使

往哈不勒汗他往以避之使者歸遇諸塗挾以入朝中道遇其詩達也及賽亦柱歹告之故賽亦柱歹謂彼無好意因贈良馬俾乘間逸脫比至夜金使以索繫其足不得逸次日晝時始得聞疾馳而返金使追至哈不勒汗婦茂台火魯



刺思氏居金使於自居之新帳哈不勒汗告其婦及其部眾不殺此輩我不免於難汝等不助我則我先殺汝等眾諾殺金使未幾哈不勒汗病卒哈不勒汗六子出一母母曰呼呵忽郭斡翁吉拉特氏其弟賽因特斤遠疾聘塔塔兒匝者乞兒奇兒布圖依治之不效而卒殺巫者塔塔兒人怒以是構兵哈不勒汗六子助母族與塔塔戰於貝蘭色夷闊端之地合丹把阿禿兒刺塔塔兒酋木禿兒把阿禿兒中其鞍及其馬木禿兒墜騎致傷醫治一載方愈繼戰於彼刺伊拉克復戰於開爾伊拉克木禿兒究為合丹所殺其後俺巴該娶婦於塔塔兒部人乘機報怨併烏勒巴兒哈合擒之以獻於金金人正以殺使為忿乃制木驢釘之於驢背金設此刑以治遠人之不服者將臨刑俺巴該遣從人布勒格赤告金主曰汝非能以武力獲我乃藉他人之手又置我於非刑我死則合丹太后布答忽都刺哈汗也連該把阿禿兒父子必復汝仇金主曰汝為此言可以告汝族眾我不畏也縱布勒格赤予以馬使歸馬不良於行過朵兒奔部請假馬不允步行歸告族眾會議復仇以忽都刺為汗入金眾敗其兵大掠而歸忽都刺哈汗最勇蒙兀有歌曲稱其聲音洪大隔七嶺猶聞之力能折人為

前蒙古紀事本末

卷上

蒙兀始基

蒙兀嫡派

一

兩截每食能盡一羊日者獨出臂鷹而獵過朵兒奔人欺其無從去追捕之忽都刺逃馬陷於淖自馬背躍登彼岸迨追者去乃拔馬於淖乘以歸家人始聞信以為必死其婦獨不謂然既而果歸且曰我今出獵而徒手以歸無以對眾復入朵兒奔牧羣驅其馬以返也連該等已設筵答奠見其無恙則大喜撤筵筵共享其婦以為我言不謬

蒙兀嫡派

蒙兀之出阿兒格乃交其後人最著稱者曰孛兒特赤那妻子甚多長妻曰郭幹馬特兒生必特赤干必特赤干生特馬徹特馬徹有五子長曰乞楚幾兒干生古津博郭羅爾古津博郭羅爾生也客你敦也客你敦生珊瑚鎖赤珊瑚鎖赤生哈里哈爾楚哈里哈爾楚生朵奔巴延即元史之脫朵奔巴延自朵奔巴延至四百早卒婦阿闊郭幹火魯拉思氏寡居與神遇生三子有孛端察兒者生二子長布格生土敦邁爾為成吉思汗七世祖蒙兀稱七世祖曰都答兒七世祖以上無專稱統稱阿勒赤根額不干土敦邁爾生九子幼子海都赤拉勒姆為成吉思汗六世祖蒙兀稱攸兒吉生三子長曰拜桑吉兒為成吉思汗五世祖

蒙兀稱布達烏庫爾其子托邁乃為成吉思汗四世祖蒙兀稱布塔克爾有九子六子哈不勒汗為成吉思汗二世祖蒙兀稱伊侖赤格次子把兒壇把阿禿兒為成吉思汗之祖蒙兀稱額不于把兒壇三子也連該為成吉思汗之父蒙兀稱父曰額赤格

蒙兀旁支

特馬徹有五子或謂四子雖其兒兒干楚黃他徒縛木筏以渡河是為朵兒奔一派朵兒者義謂四也後裔有庫倫撒哈兒者出獵得山牛過巴牙兀特人巴牙立克之食以子易牛肉庫倫撒哈兒挈其子歸後以贈阿蘭郭斡故成吉思汗部下巴牙兀特人為世僕者皆此子之後

朵兒奔巴延婦阿蘭郭斡火魯拉思氏生布兒古訥特伯古訥特此二子後分二派無一子至西域者或云蒙兀本地亦少阿蘭郭斡寡居與神遇生三子曰不來哈塔吉其後為哈塔斤氏曰不固撒兒只其後為撒兒助特氏曰李端察兒者其後為李兒只斤氏

李端察兒次子布格台即布格之弟有子納臣其姪海都為成吉思汗六世祖

前蒙古紀事本末

卷上

蒙兀旁支

三

值札刺亦兒人之難納臣救之

海都次子扯勒黑領兒拜桑古為泰亦赤兀之祖領昆為乞解官名因地與乞解鄰故用其稱號蒙兀語訛為領忽生數子長沙兒郭都魯赤那與托邁乃汗同時其子俺巴該繼哈不勒汗之位為金主所殺俺巴該子哈丹太石哈丹太石子布答與成吉思汗同時泰亦赤兀族有塔兒忽台哈拉兒禿克為阿達爾罕之子與成吉思汗為仇又塔兒忽台同祖弟兄忽力兒把阿禿兒益庫兀庫楚皆為泰亦赤兀部長泰亦赤兀分各派雖合為一而部長不一扯勒黑領昆於其兒拜桑古兒卒後娶其嫂復生二子曰更都赤那烏魯克勒赤那其後人為赤尼思氏亦曰努古思也連該在時泰亦赤兀族人亦歸統轄卒後叛去而赤尼思族仍附於成吉思汗十三翼之戰與有力馬海都三子抄真其後為阿力于氏珊竹特氏又有見斡壇氏亦為所出抄真有子都兒魯亦圖行路甚速

皇孔出聲因稱見斡壇

托邁有九子皆聰明武勇後裔各為支派丁口蕃盛前五子皆正室生六子以下庶出長子札克蘇其後為那塔勒氏烏魯特氏忙兀特氏札克蘇長子布倫

布倫長子木赤治木赤治長子麥兒吉歹。麥兒吉歹長子烏喀必娘與成吉思汗之子共嬉戲。托邁乃次子八林昔刺禿合朱。其子烏勒姆烏勒姆長子察丹札爾。察丹札爾長子台柱。台柱長子乞班尼與成吉思汗之子共嬉戲。三子哈出里。其後為巴魯刺思氏。哈出里長子愛兒敦。巴魯刺思氏長子脫丹。脫丹長子木徹野。木徹野長子彼洛堪。哈力赤與成吉思汗之子共嬉戲。四子撒姆哈。其後為阿答兒斤。撒姆哈長子阿答兒蔑兒干。阿答兒長子那伏家。那伏家長子呼古。呼古長子布拉柱。與成吉思汗之子共嬉戲。五子博夕。阿庫兒格。其後為博夕阿特氏。其長子庫兒根。蔑兒干。庫兒根長子塔力古。台塔力古。台長子火力台。火力台長子乞兒吉歹。與成吉思汗之子共嬉戲。以上皆正妻出。六子哈不勒汗。律下榻加寒字即汗也。七子烏圖爾伯顏。其後為朱里耶特氏。八子布端察兒。朵黑闐。其後為朵黑刺特氏。十三翼之戰。與有力馬九子乞牙台。幹赤片。後為亦速特氏。凡托邁乃之後。皆附從成吉思汗。間有離者。後亦來服。

哈不勒汗長子烏勤巴兒。哈合。烏勤為女子之稱。以貌美。故人以是稱之。其子前蒙古紀事本末 卷上 蒙兀考支 四

莎兒哈。禿月兒克。其孫薛徹。別乞。是為月兒斤氏。次把兒壇。把阿禿兒。三。忽禿。黑禿。蒙古兒。有子名泰。出四合丹。把阿禿兒。五。忽都刺哈汗。長子拙赤罕。率部下千人。從成吉思汗。次子阿勒壇。叛附汪罕。六。徒丹。幹赤斤。

把兒壇。把阿禿兒。長子蒙格禿乞顏。有子甚多。長者曰程克索特。率蒙格禿乞顏。族眾以助十三翼之戰。有二子曰古赤諾延。曰莫克圖巴。阿禿兒。把兒壇。次子拙坤太石。其長子火察兒。能射遠也。速該卒後。火察兒仍從成吉思汗。甚盡力。後攻塔塔兒。以違令奪其所掠。遂叛附汪罕。而害成吉思汗。汪罕敗。復入乃蠻。其後伏誅。故此派人無多。捏坤太石有孫布衣札甫。噴特。成吉思汗。獲之以與察合台。把兒壇。三子也。速該四子。答力台。幹赤斤。先離成吉思汗。而從泰亦赤兀。繼歸成吉思汗。後又附汪罕。最後入乃蠻。後與阿勒壇。火察兒。同伏誅。成吉思汗。其子答納兒。比耶。及從人二百。界與哈准子伊兒乞歹。答力台。又有後人曰布爾罕。從旭烈兀。至西域。不能與親王并坐。旭烈兀謂諸王年少。當即指旭烈兀。指之。布爾罕可以并坐。布爾罕子曰庫魯克。又有布拉兒。赤乞。要特。亦答力台。後人

卒年巴延婦阿蘭郭斡火魯拉思氏寡居而孕。夫弟及親族疑其有私阿蘭郭斡曰天未晚時有白光入自帳頂孔中化為男子與同寢故有孕且曰我如不耐寡居曷不再醮而為此駿跡事乎。斯蓋天帝降靈欲生異人也不信請伺察數夕以證我言。眾曰諾。黎明時果見有白光入帳片刻復出眾疑乃釋。既而舉三子曰不哀哈塔吉其後為哈塔斤氏曰不固撒兒只其後為撒兒助特氏曰字端察兒其後為字兒只斤氏字兒只斤釋義謂灰色目睛以與白光之神人同也。此三子支裔蒙元人以其稟受之異稱之曰尼倫釋義為清潔別派則謂為多兒勒斤猶言常人。

把兒壇三子也。速該為乞要特字兒只斤氏也。速該子大率皮色黃目睛灰色。把兒壇長妻謬倫夫人亦稱謬倫額格為翁吉刺分族斡勒忽訥特氏謬倫之義為雲曰夫人者乞解之稱也。也速該戰敗塔塔兒獲其二酋曰帖木真兀格曰庫魯不沁回軍駐於迭溫布兒荅克在斡難之河右岸之地適謬倫額格生子手握凝血色如肝而堅面目有光因名曰帖木真以志武功也。速該轄尼倫各族咸畏服之。然同族有隱忌者蒙元俗謂族人如蠍語有由也。故其卒後事變即生。

前蒙古紀事本末

卷上

誕生靈異

五

太祖諸弟世系

也速該次子術赤哈薩兒力能折人為兩截滅乃蠻時主中軍甚出力故帝予以貴格凡其後人位次在皇族之上與可汗親王當指皇子而言同坐相傳有四子惟三人著稱一也古一脫古即忽脫一也生哥柶哥也古脫古身材皆小也生哥獨偉岸術赤哈薩兒薨也古嗣位也古薨也古子阿兒哈孫嗣位蒙古可汗必賚可汗時也生哥嗣位歷膺重任統領全軍可汗與阿里布喀即阿里戰也生哥助王師相傳壽至七十五歲可汗召至議事髮無一莖白者蒙哥可汗時術赤哈薩兒數妃尚在也古子貝達虎又有子火兒哈孫古子也不根也生哥子愛每根當呼必賚可汗時愛每根嗣其父也生哥位愛每根子勢格都兒繼嗣亦在呼必賚可汗時勢格都兒與斡赤斤後王禿格察爾之孫合而謀叛伏誅術赤哈薩兒有一子曰巴忽兒達爾其母阿爾壇哈敦火魯刺思人術赤哈薩兒又娶僕婦闊闐真甚美生子哈拉兒珠在襁褓中即屬阿爾壇哈敦撫養哈拉兒珠有七子曰帖木兒無後曰沙里曰木哥都其二子布克兒台虛倫沙喝曰忽圖哥其子阿兒斯蘭曰沙兒速克塔其二子忽占札馬赤曰孟岱兒其子烏而傑特木拉曰呼兒

達喀無後相傳窩閣台可汗時察合台遣使來告從前共飲食之人今已漸少
如可汗遣舊人來庶易共理國事是以可汗命哈拉兒珠前往阿爾壇哈敦不
願遠離亦偕行并挈其孫徹兒吉歹同往徹兒吉歹時尚幼為巴忽兒達爾長
子其次子失其名幼即卒徹兒吉歹五子曰奇卜察克曰蘇圖曰庫克皆無後
曰圖丹土喝塔曰台兒極兒其後八刺克與阿八哈爭戰哈拉兒珠徹兒吉歹
同助戰八刺克敗兵亦散二人相謀謂本是可汗命吾等西來吾等今當往依
阿八哈遂至梭庫兒魯克之地謁阿八哈厚撫而納之先令庫克從阿爾潭
子哈繼令蘇圖亦往從又令圖丹土喝塔管倉糧亦令台兒極兒管糧因其不能
任事改令隨扈沙兒速克塔孟岱兒呼兒達喀皆從阿八哈待以親王之禮
也連該三子哈準生子甚多嗣位者為伊兒吉歹窩閣台察哥呼必費可汗皆
重之遇大事必與商伊兒吉歹子察忽刺嗣位察忽刺子哈刺忽兒嗣位哈刺
忽兒子哈丹嗣位哈丹子勝格納哈兒嗣位勝格納哈兒以與幹呼必費可汗
查伊兒吉歹後人共有六百

也連該四子帖木哥幹亦斤人常稱為幹亦那顏其長妃曰珊達克勤為幹勒
前蒙古紀事本末
卷上 太祖諸弟世系
六

忽納特氏與諤倫太后同族感尊敬之幹亦那顏好土木喜建宮室苑囿成吉
思汗愛其幼弟延之上坐其子亦令位己子之上成吉思汗分與軍五千故部
眾甚盛生子甚多薨後子充格察兒嗣呼必費可汗召宗王議事充格察兒必
與其列阿里布喀叛時令充格察兒往討敗其眾久在軍中運籌治事壽甚高
薨後子乞卜嗣乞卜子亦曰充格察兒嗣乞卜位充格察兒薨子哀楚兒嗣哀
楚兒薨子乃顏嗣呼必費可汗查其族派有七百人可汗薨年乃顏與勢格都
後人頗不干即也不干窩閣台後人烏魯
克庫騰結海柳而叛或誅或赦軍盡分析

也連該五子別勒格台格台為異人別勒勒子甚多薨後子札富都嗣人謂其有
百婦百子享壽甚高妻子至前有不識者呼必費可汗查其本支有八百人可
汗云哈薩兒後人盛別勒格台後人衰呼必費命札富都子那木罕征海都而叛
上哈薩兒後人盛別勒格台後人衰王將倫那木罕以叛札富都預謀既而札
富都歸充格察兒常可汗置諸重典可汗謂其惡有勳勞不可殺惟分其重過
住庫爾河守邊界常自撤歸為牧從者請代其勢謂從前有罪今當以此補過
太祖諸子世系
太祖諸子世系
太祖十七年東行召木赤未至繼又命

其西平布而嘎爾奇卜察克俄羅斯扯而開斯等部未定之地而木赤稱疾不行太祖滋不悅二十年乙酉太祖既還行宮有蒙古人自西來詢以木赤之疾則云但見出獵未聞有疾太祖大怒命察合台富闊台率兵往逮問無何覺信至太祖大慟欲治其人妄言之罪而已逸去遂命幹赤斤大王往視其喪定嗣子位木赤長妃為汪罕弟札阿紺字之女名別古特迷失與拖雷妃為姊妹行次妃幾人不盡可考有曰渥稽有曰蘇而灘又有曰薩兒堪則天方教人所云也子十四人可徵者曰鄂爾達曰拔都曰伯勒克曰脫哈帖木兒曰昔班曰唐古忒曰伯勒克察罕曰桑庫爾拔都子可徵者曰撒里答曰托托罕憲宗六年撒里答入朝比至聞父憲宗令西歸嗣位中途亦薨憲宗立其子烏拉赤尚幼令拔都長妃波拉克勤輔以聽政未數月烏拉赤亦薨托托罕之子曰忙哥帖木兒世祖至元二年伯勒克薨忙哥帖木兒嗣位

察合台太祖次子轄突爾吉斯單以至阿母河篤哇汗及其子庫特魯克火者皆其後

富闊台太祖三子嗣帝位其子古由克即定宗又別子之後海都圖里汗

前蒙古紀事本末

卷上 太祖諸子世系

七

太祖四子亦稱也可那顏又曰烏魯克那顏成吉思汗常稱之曰奴可兒圖里義為鏡堯後蒙古史諱言圖里稱鏡為庫思古其子蒙哥即憲宗必魯即世祖又木兒哥忽覲都旭烈兀阿里不哥拖雷妃唆魯禾帖尼有才智曾為定宗主賞賜事妃信天主教而待天方教人亦厚布哈爾教人議建書院助以黃金一十巴立施故此書院名曰喀尼譯義為后猶言皇后之書院也生徒十人與論稱頌太宗亦雅重其父常與議事居於第四子阿里不哥處地近阿爾泰山果魯子太祖次妃忽蘭哈敦元注思生成吉思汗愛之視如正室出果魯于四子長忽察嗣爵忽察長子兀兒圖夷嗣爵兀兒圖夷子額不干與乃顏等叛王作亂呼必賚可汗誅之

察兀兒太祖三妃也速凱特生幼卒

木兒徹母為太祖妃乃蠻女早卒

兀魯察罕母為太祖妃塔塔兒如早卒

太祖納妃

帖木真九歲時其父也速該攜往母舅幹勒忽納特氏處求婚道過翁吉刺氏

人德薛禪謂昨夜夢一白海青兩手擎著日月飛來我手上立洵為吉兆遂以已女妻之也連該留一從馬為聘禮而去其後太祖脫離泰亦赤兀之難始尋得德薛禪家成婚戴之而回曰李兒帖兀真即李兒台次曰忽蘭哈敦兀注思蔑兒乞部長帶亦兒兀孫女

三曰也連凱特塔塔兒人

四曰公主哈敦阿勒壇汗之女貌不揚成吉思汗以其為貴主故厚之無出阿里布喀作亂時尚在

五曰也速倫為也速凱特妹

此外位分稍遜而著稱者一曰阿卜哈喀敦汪罕弟札罕不之女阿卜哈之姊妹別克土以迷失夫人適木赤唆魯和克台別姬通圖里成吉思汗一日得惡夢因以阿卜哈賜與兀魯特人怯台那顏倉實家產悉令將去惟留一金盃及斟酒之人以為遺念

一曰古兒八連哈敦乃蠻太陽汗之正室成吉思汗寵之照蒙古禮節成婚一乃蠻女失其名一塔塔兒女一哈敦為唐古特人不知名

前蒙古紀事本末

卷上

太祖納妃

太祖公主下嫁

八

太祖公主下嫁

李兒台夫人生五女長火真別姬先議配汪罕子鮮昆之子而未成後適亦乞刺思人索徒古爾干次扯扯干適衛刺特人忽禿哈別乞之子脫拉兒赤三阿勒海別姬適汪古部主之子石奎夷四禿馬倫適翁吉刺特人赤古古爾干五阿兒塔樓亦曰阿兒塔魯黑通翰勒忽訥特人札弗圖兒色辰台出古爾干又有非正后生之女阿勒敦畏兀兒部亦都護來歸附成吉思汗稱為義子列第五以是女許嫁而亦都護正妻妬忌不令其娶迨正妻死當關台乃議遣嫁

太祖稱汗

鼠年太祖年五十歲平乃蠻虎年大會部族於斡難河建九脚白旗即皇帝位羣下共上尊號曰成吉思汗從闕闕出之請也闕闕出見斡壇氏蒙力克額亦格之子好言休咎形如狂眾稱之曰帖卜騰格理其人似有前知冬令極寒時裸體而行大呼於途謂聞天語將卑帖木真以天下其稱號為成吉思成爲堅強之義吉思為眾數亦猶哈刺乞解之稱古兒汗古兒普也古兒汗眾汗之汗也當汪罕滅後闕闕即創此論至此年即位即宋甯宗開禧二年丙寅歲也蓋

以古兒汗曾為札木哈竊號不渝時即脫故廢古兒汗不稱而從闕闕出之言稱成吉思汗云

太宗嗣立

太祖十四年己卯將伐西域臨行時也凱特遂即也速夫人勸帝預定嗣立帝集諸子羣臣會議太祖四子木赤為長帝欲立之木赤母孛兒台夫人初孕時蔑兒乞人修宿怨來掩捕太祖匿於不兒罕哈勒敦山未被獲獲孛兒台而去太祖乞師於客列亦部長汪罕復得札只刺部長札木哈助兵乘夜縛筏渡勤勒密河襲取蔑兒乞奪孛兒台以返比在歸途木赤生倉卒無襪兒具乃搏颯如籃形置於騎以載歸太祖喜曰此不速之客也名之曰木赤然卒以是見輕於諸弟仲弟察合台尤與不協至是會議嗣立察合台至誓之為蔑兒乞種故木赤不得立遂以三子窩闊台嗣帝位是為太宗

定宗嗣立

當太宗之崩皇后脫列哥那稱制時親王翰赤斤忽以兵至人心震駭翰赤斤有子隨太宗居和林后亟遣往究詰其時西北軍凱旋定宗已至葉密爾河翰前蒙古紀事本末

卷上

太宗嗣位 定宗嗣位

九

赤斤聞之乃曰吾來視喪非有他也遂引兵歸定宗既至后欲立為帝待拔都來會議而拔都托病屢愆行期不及待乃集諸王諾延立定宗翰赤斤亦來會丙午七月定宗即位邊遠屬國若俄羅斯若羅姆若角兒只若法而斯若克兒漫若毛夕耳等或自來朝或遣子弟具以使臣陪位裏事者則有天主教王報達哈里發木刺夷阿勒坡各酋長數月之內王會之盛前所未有定宗錫養優厚妃主親王大臣并其子弟皆有賜諸異將士賜及其家朝貢諸國犒及從者皆拖雷妃唆魯木帖尼主其事定宗首克幹赤斤稱兵之事而不顯言令親王蒙哥鄂爾達往按裁其官屬數人餘置不問當太后之攝國也法令廢弛諸王徵求無藝屬官因緣為姦至是始申禁拖雷妃及子獨不效尤故定宗禮重之殺阿不都拉蠻仍以牙刺挖赤主賦財其子馬思忽惕治突而基斯單撒馬爾干等地皆錫金獅符先是太后不悅鎮海罷之至是復以鎮海為相諭報達使人法克哀丁歸告其主遇蒙古人無禮如不改行將致兵禍木刺夷使人不見禮而遣歸察合台後太宗數月即薨薨後其孫合刺旭烈監國定宗以傳孫而不傳子為非令察合台子也連蒙哥嗣位遣兵征高麗遣察罕伐宋命也里知

士帶征西域於諸王部兵十中抽一西域屬邦羅姆角兒只毛夕耳的牙佩亮耳阿勒坡皆轄之取貢賦以供用三年戊申以疾西巡葉密爾河為潛邸時湯沐地沿路竊賞無算拖雷妃唆魯木帖尼以定宗與拔都有隙令且西行使告拔都宜善自備拔都乃東來避之定宗在途西距別失八里七日程病作而崩壽四十二定宗嚴重有威在位未久不及設施惟皇后聽政時君權下替定宗既立乾綱復歸於上手足有拘攣病好酒色常以疾不視事事多決於大臣鎮海喀達克二人

憲宗嗣立

定宗崩其時拔都東迎定宗已至阿勒塔克山阿爾泰山西支巴勒聞信乃召諸王大將來會自駐阿勒塔克以待諸王謂會議宜在東方不宜在西上多不至比及會期大半木赤拖雷後王與太宗後定宗后亦僅遣使與議野里知吉帶自西域來會創議遵太宗命立失烈門時忽必烈在坐作而言曰太宗既欲立失烈門而汝輩輔立定宗豈太宗命耶阿兒塔隆為太祖愛女即有罪當集宗親會訊而後定讞乃不問供狀即殺之又豈太祖太宗舊典耶今日之事獨前蒙古紀事本末

卷上 憲宗嗣位

十

以太宗命為辭何也言者語塞是時定宗長子忽察亦蓋得父位而太宗後人多不懼眾望太祖臨崩分其部兵於子孫拖雷以幼子所得獨多諸將帥大率皆舊部拖雷覺後蒙哥諸弟尚幼事皆決於唆魯木帖尼有才智能馭眾亦與拔都相親厚故眾望屬於蒙哥別有人建議拔都最長當立拔都不可眾曰王既不自立惟王審擇一人早決大計拔都乃曰今吾國家幅幘甚廣非聰明睿知能效法於太祖者不可為主我意在蒙哥虜應曰然蒙哥再三讓其弟末哥曰眾謂惟拔都言是聽尤無異辭今奈何不從拔都言拔都曰末哥言是也議遂定且議明春再會於斡難克魯倫兩河之源太祖肇基之地皇后使者歸報后與二子忽察腦忽大不悅遣使告拔都會議非地宗王未集議不能從拔都謂明年再會於東太祖太宗大業未可輕授君位已定請屈意相從遂令弟伯勒克脫哈帖木兒將大軍衛蒙哥而東自駐於西以備非常二次之會唆魯木帖尼為主召集諸王大將而太宗定宗後王察合台後王也速蒙哥皆不至拔都屢使往勸仍不納伯勒克等以久待為憂請命於拔都拔都乃申令於眾定立蒙哥宗親中梗議者有國典在既而東方親王糊只哈薩兒哈准幹亦斤後

王威集亦遣使往勸失烈門勿察腦忽三王勿往猶未至而擇日已定不及待遂奉蒙哥即位是為憲宗時年四十有三即位之日親王列右妃主列左憲宗七弟列前武臣以忙哥撒兒為首文臣以孛爾該為首禮成太宴七日正宴樂時御者克薛傑上變謂以失驟出覓道過車乘甚要一車折較其御束縛之誤以為同伴呼使取則見車中藏兵甚多訝而問之其御曰汝車同我車何問為益訝之更詢他車始知失烈門勿察腦忽三王以朝會為名將乘飲宴不為備作亂故亟馳返以告憲宗乃令忙哥撒兒率兵往跪止其衛士令各從二十人入謁其貢物凡九始至時猶令與宴越日拘係憲宗自鞫之皆堅謂無逆謀刑訊失烈門從官乃吐其實而自剄以死復令忙哥撒兒訊諸從官咸辭伏憲宗以初即位不欲多行殺戮眾以為未可正猶豫聞牙剌挖亦立於門外呼以入問曰汝老成人更事已多何獨無言對曰臣西域人也請得言西域事昔者希臘王阿來三得已滅波斯欲入印度而將領中多異議令出不行阿來三得遣使詢於其傅阿里斯托忒爾使者致命阿里斯托忒爾無言惟與使者游園遇林木之蔽觀眺礙行路者悉令人芟伐拔掘易以新株使者悟歸報阿來三

前蒙古紀事本末

卷上

憲宗嗣位

世祖嗣位

十一

得乃誅逐諸不從令將領更易其位遂平印度而回於是憲宗意決殺三王之黨煽亂謀逆者凡七十人野里知昔帶二子亦同謀皆以石子填塞其口而死野里知吉帶已往西域遣人追及於八脫吉斯之地獲之以付拔都置諸死遂改更庶政分命職官禁諸王徵求財貨馳使擾民禁使者強取民馬非驛路所經勿行自太宗時始凡商賈售貨朝廷皆得馳驛至是申禁代償定宗及定宗后與子虧欠商貨銀五十萬依太祖太宗舊制免畜老丁稅釋道等教亦然惟猶太教人不在此例從阿兒渾之言改定西域賦則牛馬稅百取一不及百者免二年春皇太后客列亦氏崩葬睿宗墓旁至和林殺定宗后失烈門母諱忽察腦忽及失烈門於遠地遣貝喇往察合台藩地究違命諸臣亦遣使至漢地凡附太宗後者皆逮究乞兒吉思思謙諫州等處皆遣兵巡察命察合台孫忽刺旭烈殺其叔父也連蒙哥代其位奉命而行未至而卒忽刺旭烈妃倭耳干納行帝命殺之自監國者九載賞御者克薛傑功封為蒼刺罕初政大定乃散遣來會諸王厚貶伯勒克脫哈帖木地遣歸

當憲宗萌於合州城下。時呼必魯將兵渡淮。宗王穆格自合州遣人以憲宗凶
卦來告。請北還以繫人望。呼必魯欲成功而還。乃渡江圍鄂州。會聞阿拉克岱
爾等謀立阿里克布克。和總請與宋議。和率輕騎直造燕都。呼必魯從之。引兵
北行。諸王哈丹等會於開平。轄魯自西域勸進。惟阿里克布克不至。廉希憲等
力言宜早定大計。呼必魯遂即位。建元中統。阿里克布克聞呼必魯已立。遂稱
帝於和林。阿拉克岱爾及六盤守將渾塔噶舉兵應和林。廉希憲等擊敗斬之。
二年冬。世祖擊阿里克布克於錫默圖。敗走之。五年。阿里克布克與諸王玉龍
哈什等。自歸於上都。世祖以諸王皆太祖之裔。并釋不問。惟布拉噶伏誅。

皇后攝政

太宗崩。皇后脫列哥那稱制。脫列哥那。大皇任阿不都拉。蠻王財賦。撲買諸路
稅課。不喜鎮海罷其相位。西域婦法特瑪。徒思人。太祖征西域。自彼思掠至和
林。后寵愛之。太宗舊人黜者大半。或謂皆法特瑪進讒之故。親王幹亦斤忽以
兵至。后遣幹亦斤子往究詰。遂引兵歸。定宗即位後數月。太后脫列哥那崩。攝
國。凡四載。定宗二年。西婦法特瑪行巫蠱術害皇弟闊端。事發。極刑處死。

前蒙古紀事本末

卷上

皇后攝政 諸王封地

十二

定宗崩。皇后幹兀立海迷失。庫都哈之長暫不發喪。亟先赴於哈魯木帖尼及
拔都處。自請攝國。以待立君。拔都允之。后欲立太宗孫失剌門。拔都等議定立
蒙哥。后與二子忽察。腦忽大不悅。憲宗既即位。親門忽察。腦忽三王謀逆。事覺。
憲宗二年春。至和林。究厥覆之獄。以定宗后失剌門母付忙哥撒兒。盡法鞠治。
得實。裏以擅投諸河。殺定宗后。用事大臣以忽察。腦忽失剌門三王皆由其母
煽惑得免死。邊忽察於和林西蘇里該之地。謫腦忽失剌門為兵弁。

諸王封地

太祖弟

次木赤。哈薩兒。分地在阿爾家河。枯拉。淖爾海。拉兒地。近幹亦斤。後王封地。

三。哈準。分地在東方。近長城。近主兒只地。又近亦乞刺思部地。哈蘭。真額刺特
及兀兒古以河。

四。帖木哥。分地在蒙古東北。界外已無蒙古人。

太祖子

長木赤。太祖十七年。分地在鹹海西南。貨勒自彌之地。并鹹海裏海之北。十九

年指別連不台平奇卜察克復敗俄羅斯軍木赤遂自錫爾河北儻塔之地西
踰烏拉嶺北至奇卜察克東境轄治所部

次察合台太祖十七年分地在錫爾河東

四拖雷太祖十七年分地在和林舊業

太祖孫

旭烈兀拖雷子開藩西域

諸王構讐

旭烈兀既平報遠殺哈里發屠戮教人無算木赤後王從征至西域者或以罪
誅或猝病死疑為旭烈兀所害伯勒克令諾垓將兵問罪戰於得耳森特先敗
後勝旭烈兀薨阿八哈嗣位至元三年諾垓將奇卜察克兵侵至得而盆脫牙
世摩特與戰於阿克索河無勝負諾垓傷目而退阿八哈自至聞奇卜察克王
伯勒克親率大軍南來乃退渡庫耳河撤橋梁以塞兩軍隔河相持十五日伯
勒克思改道自角兒只境進兵而病卒軍亦罷

察合台曾孫博拉克廢其主謀八里克沙襲據其位與海都戰既而修好思讓

前蒙古紀事本末

卷上

諸王構讐

十三

阿母河呼拉商部以益己封海都與阿八哈不協亟贊成之至元五年冬遣馬
素特為使陽謂西域之地本屬公家太祖四子皆得分其土地陰則探道路窺
軍情馬素特既至阿八哈厚款之贈以太祖御服出示歲計簿籍明無餘財馬
素特既得簿籍不辭而去其來時沿途留騎以待易馬疾馳追者及諸河已在
舟中矣察合台孫尼古塔爾將兵從旭烈兀西征遂留西域博拉克貽以密劄藏
書篋中約其合應尼古塔爾所部萬人駐角兒只自從阿八哈既見書歸於已
軍阿八哈召之慮事泄不敢至率其部曲欲從得而盆脫出裏海北以歸博拉
克為希拉們所阻戰而敗逃入角兒只希拉們追及攔致於阿八哈拘禁之誅
其將弁馬素特既返博拉克師起海都助兵令阿赫每特卜里匿克見牙爾欲
自忒耳昧城渡阿母河察拔特謨八里克沙奇卜察克自阿母葉城渡河葛喀
扯貝那爾二將自機窪城渡河格喀出自敏克世拉克渡河博拉克悉括已境
之馬備戰騎括民牛取皮製盾先遣使告希勤八脫吉斯噶自尼暨印度河東
居中之地皆應屬我祖察合台速以相讓希勤不允博拉克自渡河進軍阿八
哈千戶將昔拉克圖先諫奇卜察克部下聞舊主至來歸餽馬奇卜察克分餽

博拉克馬博拉克大將札拉兒台請其自得良馬以劣者贈人奇卜察克怒札拉兒台亦怒互爭詭勢拔刀相向博拉克陰袒己將不為剖曲直奇卜察克夜率已部二千騎北趨阿母河追挽之不返未幾察拔特亦離去博拉克屢勝畢舉軍召海拉脫酋射姆沙丁海拉脫來謁許以呼拉商蓋封母助阿八哈復令籍呼拉商富戶姓名以獻至元七年阿八哈自阿特耳佩占起師時正刈麥禁士馬蹂躪世祖使臣梅喀伯中途為博拉克所獲乘間逸脫過大軍以敵情告軍至庫姆斯遇布勤敗兵阿八哈至使思使往議和許割喂自尼起兒漫二部博拉克將約速耳謂可允將茫孤耳謂軍入敵境宜乘勝進何自沮抑阿八哈西鄙多事必未自至謂自至者妄言耳札拉兒亦謂既欲和何必渡阿母河博拉克乃遣謀三人往探阿八哈至否還者獲之阿八哈令人偽為急遞謹諜入營謂北兵已過得而益脫即倉皇傳令拔營而西勿攜輜重令人殺謀者而故縱其一自駐兵於平壤待戰謀之逸者以所見聞歸報博拉克亟進見惟空營遺輜重蓋信為實復前行將出山突遇阿八哈大隊阿拔台將中軍牙世摩特將左翼布勤將右翼起兒漫法而斯羅耳兵皆從然博拉克軍仍勇戰牙世摩

前蒙古紀事本末

卷上 諸王播勞

十四

特左翼為札拉兒台所敗左翼將蘇納台年踰九十見事垂下騎堅坐麾兵再接軍軍益氣奮乃大勝博拉克墜馬拔他騎而上始得脫潰兵過阿母河不能成列至布哈爾僅餘五十人以墜馬受傷乘肩輿入城阿喝味脫匿克貝皆叛去博拉克復集兵三萬與戰殺之使弟亦速爾往告海都海都拘之放引兵自至海都至而博拉克竟謨八里克沙等投入海都阿八哈仍留畢景駐守呼拉

商自引軍西行

博拉克既薨其子伯克帖木兒篤哇布利亞忽拉注夷與阿魯忽之二子楚班基類合兵攻海都躡阿母河北地數與海都戰而數敗謀軍戰德志費尼告阿八哈彼之舉我之利也然必有一勝勝者併其眾禍必及我宜先擾其地勿使生聚乃遣捏克拜巴圖爾察而杜阿克貝將一軍渡阿母河而北約索爾喀而噶帶楚而喀達夷伊拉布哈將一軍自呼拉商循阿母河之西以擾烏爾韃赤機窪之地

諸王叛逆

阿里不哥睿宗子憲宗世祖之弟憲宗南征命留守和林等地憲宗崩於軍以

序以賢世祖當立而阿藍答兒渾都海脫火思脫里亦等謀立阿里不哥中統元年世祖即位於開平阿里不哥亦僭號於和林城西按坦河從其叛者憲宗子阿速帶阿速拜玉龍答失昔里給缺詿詐及察合台後玉世祖既即位遣察合台孫不里之子阿畢世噶與其弟往轄察合台地以防阿里不哥行至陝西為叛黨所獲致於阿里不哥其時察合台分地為合刺旭烈之妃倭耳干納主治已九載阿里不哥立貝達爾之子阿魯忽以代倭耳干納使為已換而防伯勒克世祖遣諭阿里不哥不奉命殺阿畢世噶二玉引兵而東令出木忽兒旭烈喀拉札為前鋒遇世祖所遣亦孫哥薩兒之子之軍戰而敗眾皆散中統元年帝至和林時阿藍答兒渾都海西涼之軍已為王師所覆叛師伏誅阿里不哥駐謙讓州憂不敵遣使歸款請俟馬肥而後入覲并將約伯勒克旭烈兀阿魯忽三王同來推戴帝允之令速入朝勿俟三王之至令亦孫哥留兵守和林以待自回開平遣散餘軍中統二年秋阿里不哥至和林偽言歸順出不意突攻亦孫哥敗之遂據和林兵踰沙漠而南帝聞警亟集兵再親征冬戰於昔木土淖爾在獨石口東北四百里諸王合丹等擊敗其眾帝不令逐北俟其自悔阿里不哥見不追越十日回軍再戰於阿兒忒之地阿里不哥旋遁其時阿魯忽已代倭耳干納而阿里不哥徵求牛馬軍資糧餉使者絡繹於道阿魯忽吝於供給悔從逆殺其使將歸命於朝阿里不哥因是亟引而西欲攻阿魯忽道經和林不守而去帝撫定和林以罹兵免賦稅車駕還大都中統三年阿里不哥之將哈刺不花與阿魯忽戰於布拉城及賽喇木淖爾兵敗哈刺不花沒於陣阿魯忽恃勝輕敵還駐伊犁河濱城中散遣其兵未幾阿速帶率二軍繼至入自鐵門奪阿力麻里城阿魯忽敗退踰天山而南至和闐喀什噶爾僅右翼從左翼已潰阿里不哥亦至阿力麻里駐冬阿魯忽復退至撒馬爾干阿里不哥擾阿魯忽之地戶口逃亡餼糧無出又病疫部下將士以其多殺阿魯忽之眾皆蒙古人自戕同類羣議其非時玉龍答失已歸附朝廷駐兵阿爾泰山於是部兵多往投之阿里不哥失眾憂阿魯忽乘弱來攻乃使倭耳干納偕馬思忽惕往議和阿魯忽娶倭耳干納任用馬思忽惕治布哈爾撒馬爾干等地收其賦賦軍數復振海都附阿里不哥攻阿魯忽為所敗阿里不哥無兵無餉無助勢益

盛至元元年來降入謁後帝親視無言既而哭阿里不哥亦哭帝曰試據理論

前蒙古紀事本末

卷上

諸王叛逆

之我兄弟二人孰應嗣大位阿里不哥曰昔日我為是今日帝為是耳宗王海格謂阿速帶曰殺我兄弟阿畢世喀非汝取阿速帶曰此奉阿里不哥之命今我臣服於帝若帝命殺汝我亦不能不從也帝禁止其執次日令四親王三大臣鞠訊其從官阿里不哥自引僭號抗命之罪無預諸臣其將最長者為禿滿奮然曰是我等謀也請勿罪阿里不哥而置我等於刑帝獎其忠復研詰阿里不哥乃曰不魯花阿藍答兒二人勸我先帝已崩兩兒指世祖及將兵在外我為留守義當即位於是誅其謀臣凡十人王大臣議免阿里不哥阿速帶之死帝從之至元三年阿里不哥即病卒

海都太宗諸孫合失子太祖征西夏合失生西夏為河西地蒙古稱河西音似合失轉音為合申名以合失志武功也合失嗜酒早卒太宗痛之自此蒙古人諱言河西惟稱唐古忒憲宗二年定太宗後王分地邊海都於海押立其地在金山南天山北巴勒噶什淖爾之東南海都自以太宗子孫不得嗣大位為憾而憲宗奪太宗後王兵柄志不得違憲宗六年斷事官石天麟使北邊為所留世祖初元阿里不哥僭號海都附之繼攻宗王阿魯忽為所敗阿里不哥歸命前蒙古紀事本末

卷上 諸王叛逆

十六

於朝海都仍自擅於遠屢使徵召皆以馬瘦道遠為解世祖初即位推恩太宗諸王亦賜海都金帛至元二年分四親王南京屬地以蔡州隸海都然海都有異志區區分地歲賜非所慕也權智過人善於籠絡木亦後王如伯勒克等咸與善太宗分地在葉密爾河者亦多屬之海都居地與察台合後王封境接壤至元三年察台合孫阿魯忽覺其妃倭耳子納立謀拔來克汝前王合刺旭烈之所生也察台合曾孫八刺在朝世祖命歸國輔治思藉其力控制海都八刺既至廢謀拔來克汝旋與海都戰於錫爾河敗其眾掠人畜無算而木亦後王忙哥帖木兒助海都兵回攻而勝八刺退至錫爾河南脅布哈爾撒馬爾于民戶輸助軍實備再戰太宗諸孫奇卜察克自海都處至為之和解罷兵而布哈爾等地海都亦得分其歲入八刺攻西域宗王阿八哈海都亦助兵既渡阿母河海都兵先歸至元七年八刺戰敗而歸被覺海都逆謀漸著叛命犯邊其事皆在建號曰元之後

立國初政

太祖征西域時耶律楚材從之以金之大明歷不應製庚子元曆上之

太宗元年冬始定算賦二年從耶律楚材言立十路課稅所五年以孔元措襲封行聖公從耶律楚材之請也八年二月用耶律楚材言行交鈔以萬鈔為額四月初括中原民戶定賦稅九年二月始給官府符印定驛舍八月校儒士於諸路十年建太極書院於燕京姚樞之謀也

憲宗元年號西域僧納摩為國師二年分漢地封宗屬四年呼必賚以姚樞為京兆勸農使五年呼必賚徵許衡為京兆提舉

世祖中統元年夏初定官制秋行交鈔法冬號西僧帕克巴為國師二年夏聽儒士被俘者贖為民三年脩孔子廟四年始建太廟至元六年行新字加號西僧帕克巴為大寶法王八年弛四川茶鹽之禁

初定官制

太祖起自朔土統有其眾部落野處諸事草創設官甚簡以斷事官為至重之任位在三公上丞相謂之大必闡赤掌兵柄則左右萬戶而已後以西域漸定始置達魯花赤於各城監治之達魯花赤華言掌印官也

太宗立十路宣課司選儒術用之後稍做金制置行省及元帥等官又詔諸路

前蒙古紀事本末

卷上

初定官制

十七

州縣長吏專理民事萬戶府專總軍政課稅所專掌錢穀各不相統攝

世祖中統元年詔定官制總政務曰中書省兼兵柄曰樞密院司黜陟曰御史臺內則有寺監院司衛府外則有行省行臺宣慰廉訪其牧民則有路府州縣長則蒙古人為之而漢人南人貳焉至元七年立尚書省

立西域長官

太宗命綽兒馬罕征札刺勒丁時復命朮赤部將成帖木兒自烏爾韃赤率所部往呼拉商平其餘孽即命為呼拉商長官屬於綽兒馬罕太祖分地諸子未及西域如公家之產也者故四子皆得遣官蒞治以分賦稅太宗所遣者開里拉特拔都所遣者奴薩爾察合台所遣者庫而圖喀拖雷之諸子所遣者脩噶皆為成帖木兒之輔呼拉商雖被兵而居民素殷富流離既復珍貨高充溢成帖木兒久心豔之既轄其地大肆搜括札刺勒丁餘孽復起綽兒馬罕所置守吏往往被害成帖木兒往攻久而不能逐時八脫吉斯字將岱爾巴圖亦奉太宗命來征以書告成帖木兒謂汝婪索不已致民思變今可汗命我轄呼拉商汝當相讓時綽兒馬罕亦徵成帖木兒西行令以呼拉商馬三德蘭兩部屬於

岱爾巴圖成帖木兒乃使開里拉特入謁太宗盛稱成帖木兒之才太宗信之遂命領呼拉商馬三德蘭全境開里拉特副之不復受絀兒馬罕節制成帖木兒以呼拉商人射里甫哀丁為烏魯克必閣亦志費尼人巴海勒丁謀罕默德志費尼掌賦稅奴薩爾三人亦協以治事太宗七年成帖木兒卒奴薩爾繼任年老事皆決於開里拉特成帖木兒有屬官曰庫而古司別失八里人也幼隸木赤麾下從出獵適太祖書至倉卒無讀者庫而古司能解之木赤喜令以畏兀文字授其子成帖木兒建閫於貨勒自彌庫而古司佐治文牘復從至呼拉商曾與巴海勒丁入謁太宗遂簿籍出入之數言西域事甚悉朝有大臣曰鎮海巫賞之欲令繼成帖木兒任而丹尼世們哈木潑請以成帖木兒子翁古帖木兒嗣父職值鎮海獨對力舉庫而古司太宗命權二部之事有治績則為真奴薩爾遂解任開里拉特與射里甫哀丁皆執鞅失權怒乃咬於翁古帖木兒捏造庫而古司罪狀入告太宗命阿兒渾偕二使臣往驗庫而古司聞之自往和林以巴海勒丁代攝其職途遇使臣令西返庫而古司不從爭競羣毆齒折血涌夜令其僕持血衣潛赴和林自隨使臣而西開里拉特等乘機拘辱之太宗

前蒙古紀事本末

卷上

立西域長官

十八

見血衣大怒令皆至和林聽訊開里拉特行至布哈爾為人所殺庫而古司等至太宗命鎮海數大臣鞠之皆誣告不實太宗先欲以翁古帖木兒交拔都由其父為木赤部將也繼以鎮海勸止知拔都性嚴往必致死乃自定罪以年少為人所殺得赦免令庫而古司復任自阿母河以往文臣之事齊取決焉阿兒渾亦直庫而古司令佐以治事太宗十一年間庫而古司到官傳集蒙古官吏西域耆紳諭以上意各循職分毋踰法度綽兒馬罕所置義拉克阿特耳佩占守吏多方朘削悉中飽不以奉上追其賊入官凡蒙古將士不得妄殺陵虐部民民乃大和流亡復業海拉脫亂後幾無人煙拖雷曾由其地徙千戶至別失八里太宗八年以百戶歸海拉脫十一年又以二百戶歸次年檢閱戶口已至六千他地亦類是翁古帖木兒之誣訴庫而古司皆射里甫哀丁播弄所致訊以刑盡得其朋謀陷害情事庫而古司取供狀入告并自往中途聞太宗崩而歸射里甫哀丁之妻訴於察合台之妃時阿兒渾以庫而古司事皆自舉不以分任往休察合台遂令捕庫而古司訊取供狀以這和林鎮海不獲於乃馬真皇后已去位朝右無援庫而古司遂死乃馬真皇后以阿兒渾代之仍用

射里甫哀丁催科嚴迫呼拉商義拉克之民輸納不如令者悉下獄阿兒渾自往台白利司見西北各屬拜使臣徵取歲貢聞射里甫哀丁死東歸視事乃釋獄中諸囚自太宗崩後諸王自以敕令徵西域財貨使騎絡繹於道皇后稱制之四載朝議立新君阿兒渾亦往與議盡取前後所奉諸王敕令以往定宗既立乃上聞定宗嘉之諸王由是斂抑從往官吏皆受職於朝以火者法克哀丁代射里甫哀丁之任阿兒渾既歸有知開罪親貴越二歲復赴和林行至塔刺斯聞定宗崩定宗在位時已令野里知去帶征西西域東境仍屬阿兒渾西境則野里知去帶主之途遇阿兒渾告以上命軍行過境須備糗糧乃返其時諸王求貸者復相屬於西域且令預支數年民賦阿兒渾於憲宗初元復東行會議立帝至則憲主已即位再以諸王橫索馳使擾民及科則未平準等事上陳憲宗命與從來官吏集議條例以聞乃議撥護罕默德牙刺瓦赤所定阿母河北計丁出賦之例按貧富分則此外一切科斂悉予禁革憲宗報可丁賦所入惟備兵餉郵驛及使臣馳傳此外毋應付毋聽諸王濫發敕令錫阿兒渾御首金符以巴海勒丁佐之察合台後王所遣之沙拉智哀丁亦為之佐憲宗遣官

前蒙古紀事本末

卷上

汪古歸附 畏兀兒歸附

十九

二人拖雷子忽必烈旭烈兀阿里不哥朮哥各遣一人司其位下分賦分西域為四省省官稱瑪里克碩金獅符蒙古萬戶將音杜緯克擅殺枯姆守吏阿兒渾以詔書便宜行事戮之於徒思沒妻孥八官西域政事始漸具條理焉

汪古歸附

汪古比乃白達之種蓋金國之地居靜州之天山天山古居延海也先時金人掠蒙兀之地繼則北族掠金人之地故金國壘山為界築長城以限戎馬自哈喇沐連即黃迄於主兒只即女直或界以抵於海而汪古部扼守長城要隘防禦北族太祖既滅汪罕乃蠻太陽汗謀侵蒙古遣使卓忽羅請汪古部長阿剌合思的斤忽里為助汪古部長料太祖終成大事決意歸之即遣朵兒必塔失齋酒六樽送卓忽羅於太祖告以太陽汗之謀時朔方未有酒醴太祖祭而後飲舉爵者三使還酬以馬二千蹄羊二千角由此汪古部結好誠附其後導兵入隘於是長城之險盡失太祖之滅金皆得力於汪古部之歸附也混一字內天意蓋有屬矣

畏兀兒歸附

乃蠻太陽汗之子古出魯克西奔哈刺乞解古兒汗收撫之為義子嫁以女太祖蛇年春畏兀兒國主亦都護聞帝威名殺哈刺乞解所遣監國大臣曰沙均將遣人納款帝聞其事先遣阿勒潑魚土克迭兒拜使其國亦都護厚款之令其臣博古思阿世阿忽赤阿蘭帖木兒偕以來謁若謂聞往來人言皇帝雄大度能撫定百姓故棄哈刺乞解將遣使來附并以古兒汗情形上陳不意帝使先至譬雲開見日水泮得水意不自勝而今而後願率全部為僕為子竭誠效力其使之言如此當托克塔中矢死時其子忽都赤刺溫亦使克呼圖罕茂兒根涉也兒的石河將奔畏兀兒遣哀不干為使先往亦都護殺之與四人戰於真河遂其罪以蔑兒乞部為帝仇遣阿兒思蘭兀喀察魯忽兀喀孛拉的斤亦納兒乞牙松赤來告戰事既而二使偕帝使亦至帝曰亦都護果能輸誠效力於我復遣阿勒潑魚土克二使往徵貢獻亦都護尋遣使進方物珍異馬年夏復遣使於畏兀兒羊年春柯耳魯克部主阿兒思蘭汗來覲於克魯倫河亦都護亦至且曰帝若賜我得在僕役之列使遠近皆知我依託陛下襟帶之間我願為第五子也帝知其意在親附因曰我以女與汝汝為我第五子

前蒙古紀事本末

卷上

克兒漫歸附 海拉脫歸附

二十

克兒漫歸附

西域東境之屬國其舊有者曰克兒漫新建者曰海拉脫克兒漫為西遼故將薄拉克所據遂自立國既殺吉亞代丁請封於哈里發有蘇爾灘之稱以其為西遼人亦謂為黑契丹國西域稱西遼曰喀喇契丹喀喇者黑也岱爾巴圖用兵於昔義斯單時招令服屬兼趣入朝薄拉克以年老遣子洛肯哀丁火者代往未至而薄拉克卒兄弟之子庫特貝丁嗣位太宗封洛肯哀丁火者為克兒漫蘇爾灘使歸國而徵庫特貝丁來和林令隨牙刺瓦赤赴漢地治事定宗即位謀返國未果憲宗即位牙刺瓦赤為言於上治事有功且無罪被廢仍授以蘇爾灘遣歸洛肯哀丁火者避往羅耳復避之報達尋入覲申訴憲宗亦召庫特貝丁至使質對不直洛肯哀丁火者令庫特貝丁殺之旭烈兀西征庫特貝丁迎至糧的

海拉脫歸附

海拉脫國肇始於郭耳郭耳前王基亞代丁以歇薩爾堡封其相臣之弟台木哀丁握斯寧傳其子屋肯納丁阿蒲塔廓耳娶基亞代丁之女太祖西征郭耳

已滅而歇薩爾堡獨以險固得久存。屋肯納丁自結於蒙古嘗率其子射姆斯
哀丁謀罕默德庫而忒至太祖高闊台營。定宗即位先一年。屋肯納丁卒。射姆
斯哀丁嗣定宗元年。僧撒里諾延同往信地撒里與木而灘拉火耳二城議和
為之居間定饋獻物數。蒙古他將嫉之。誣以受賂與印度得里部酋交通。得里
兵來將為內應。射姆斯哀丁懼及禍。往見岱爾巴圖以與其父有舊留之。定宗
二年。岱爾巴圖卒。子哈而庫喀圖與不協。控諸察合台。後王也。連蒙哥射姆斯
哀丁自往申訴也。連蒙哥遂之。乃往依拔都憲宗即位。入覲和林。王大臣咸謂
其先人與我蒙古交厚。為之游揚。以其為郭且故。王懿親可藉其力。撫定其地。
封以海拉脫。札姆八開而斯。庫蘇治。富紳赤。圖勒克。開沙。非洛斯。固喀而木斯。
單。謨而噶伯馬魯察。克。法里阿白。北及阿母河而止。東南則哀司非沙。真。費而
拉。昔義斯單。喀不爾。梯而拉。阿富汗斯單。以至於印度河。世為西域東境附庸。
稱臣納貢。錫以命服寶劍刀斧。命阿兒渾界以金錢五十萬。贊助建國。旭烈兀
西征射姆斯哀丁迎謁於撒馬爾干。從征木刺夷。命招降賽耳塔石堡。拔其酋
長來謁。西域既開藩。因屬於烈兀。兀以其都於海拉脫。故謂海拉脫國。自海拉脫
前蒙古紀事本末

卷上

汪罕叛服

三

東行乃抵印度河。渡河而東則入印度。

海拉脫國享國百餘年。帖木兒西來始滅。

汪罕叛服

客列克一作亦氏汪罕也。連該與之交好。常極其難。太祖亦稱之為父。汪罕祖默
兒忽斯有二子。長忽兒察忽思。不亦魯黑汗。次古兒罕。忽兒察忽思生數子。曰
脫忽魯兒。即汪罕。曰額兒客哈喇。曰札罕。不本名乞誅。幼時為唐古特所獲。受
封而得是稱。人遂以為名。又有別子數人。汪罕於父卒後。殺其弟帖木兒。大
石布哈帖木兒及同族弟數人。其叔古兒罕來攻。兵敗失國。奔於也連該也。
連該遂古罕兒入合。汪罕復國。以是感德。約為諸達額兒客哈喇。以汪罕多
殺戮。字號避之。乃蠻亦難亦赤。亦難赤汗。助以兵。遂汪罕歷三國。至哈喇乞。解依於古兒
汗。既聞帝益威強。乃東走。途中資用乏竭。僅遺五羊。飲其乳。餐駱駝之肉。龍年。
行至庫思古兒。卓爾。近帝居地。帝聞。即遣禿該蘇該迎致之。汪罕以飢困告。帝
令已部賑給。是年秋。會宴於河上。哈刺溫乞卜察勒之地。重訂父子之好。冬。合
兵攻月兒斤。蛇年。帝攻兀都亦特。殺兒乞。大俘獲。悉以餽汪罕。馬年。汪罕執漸
振。不謀於帝。自率所部攻殺兒乞於不兀刺客。額兒殺托塔長子。土古思別乞。

掠忽禿黑台察勒渾二女。又獲其次子忽圖赤老溫倖虜甚多。而無所遺於帝。羊年與帝合兵攻乃蠻。不亦魯黑汗。冬。過不亦魯黑將可克薛古撒卜刺黑於拜谷刺黑巴勒赤列之地。各於戰地駐營。待明日戰。汪罕多燃火於營。而潛移其軍。他徙天曉時。札木哈謂汪罕曰。汝知我族人如寒暑異棲之鳥乎。將他適矣。我如白翎久棲不去。我先曾告汝也。汪罕麾下宿將兀卜赤兒古鄰巴阿禿兒聞而斥之曰。既為宗族。又為諸遠。如此謂之。莫可哉。然汪罕信其言。引去。帝見汪罕不謀而去。因曰。我今在火坑中。而汪罕棄我。亦退至撒里客額兒。汪罕至塔塔兒土霍勒之地。伊勒哈鮮昆札罕不同至也。迭兒阿爾泰之地。其地有河。多林木。可克薛古撒卜刺黑自後追及。奪其眷屬輜重。又至帖列禿阿馬撒刺之地。掠汪罕部民畜牧而去。鮮昆札罕不再告汪罕。汪罕令鮮昆追敵。又令人乞援於帝曰。乃蠻倖掠我眾。我子能以四良將助我乎。帝即遣博爾木諾延木訶里。即元史之木華黎也。字兒忽勒諾延。即博爾忽。赤老溫把阿禿兒往援。未至而鮮昆已敗績。其將的斤火墨亦土兒干約塔黑被殺。鮮昆馬傷幾被擒。而四將至。當博爾木來時。乞帝良馬。曰。赤乞布拉帝允之。且戒曰。是不可鞭。如欲速行。但以

前蒙古紀事本末

卷上

汪罕叛服

二十二

鞭撻其鬣。比至見鮮昆失馬。亟以己騎與乘。而自乘帝馬。屢鞭之不進。忽憶帝戒。揚鞭撻鬣。即疾駛如電。既敗。乃蠻盡返所奪。以歸汪罕。汪罕大悅。使告帝曰。曩者衣食乏絕。而我子帖木真極之飽。我之餼衣。我之裸。今又亟我之難。若此。我不知何以為報。又召博爾木往。特博爾木在帝營。執弓守衛。以弓付心。而自往謁汪罕。餽以衣一襲。金樽十。博爾木受之。歸見帝。以離職守。自請罪。帝獎其勞。令受餽。猴年春。帝與汪罕會於撒里克額兒。敗托克塔塔等兵。是冬。汪罕自克魯倫河往。忽尔海牙部眾隨之。其弟札罕不與汪罕將阿勒屯阿速克伊勒忽禿兒伊兒兒火兒忽勒巴爾謀曰。吾兄汪罕心性無恆。多殺害骨肉。迫而投哈喇乞禪。我輩其可久依之乎。阿勒屯阿速克泄其言。汪罕執伊勒忽禿兒伊兒兒火兒縛至帳下。汪罕責伊勒忽禿兒曰。吾等自唐古特來。中途作何語。而遽替之乎。我不與汝等同也。唾其面。帳中人亦共唾之。阿勒屯阿速克曰。我惟不願棄故主。故泄此謀。札罕不與伊勒忽禿兒伊兒兒火兒納鄰太石皆奔。乃蠻先遣人告於太陽汗曰。阿勒屯阿速克讒於吾兄汪罕。故我等來奔。願盡力以事新主。乃蠻受之。大年秋。乃蠻大會眾來攻。帝與汪罕同駭阿刺兒之地。冬。帝

駐阿兒卻宏哥兒之地帝欲為長子木赤求汪罕女答兀兒別乞鮮昆于充撒
哈亦欲求帝女懿真別乞而兩不諧以是交漸疏札木哈知之欲峻以生變謂
鮮昆曰我兄諸達與君之敵太陽汗潛通常遣使往來將不利於君阿勒壇
火察兒答力台為之證又有圖海忽刺海木忽兒忽蘭亦欲協力攻帝時鮮昆
別居阿拉忒之地遣撒而罕充答告汪罕曰鄂倫額格之子將害我等宜乘其
未發也而先圖之汪罕曰札木哈之言不可信越日帝移營居地稍遠鮮昆又
使人力請於父謂耳聰能聽目明能視之人確鑿言之而猶不信此何以故汪
罕曰彼屢有德於我我不可負我屢勸汝而汝不從我年老矣但思安我骸骨
聚置一處汝欲為汝善為之莫天佑汝汝可禱祀以求也言畢甚以為憂鮮昆
陰遣人燒帝牧地之草猪年鮮昆與諸人謀偽許婚遣烏黑台昆察特選帝赴
宣帝即往從二人路經蒙力克額赤格之居宿其帳中蒙力克謂不可往宜以
馬疲道遠為辭遣使代往帝從之即自歸汪罕父子謀不成欲乘不備掩襲汪
罕之臣哀客扯闊歸告其妻阿刺黑因特且曰此時如有人往告不知帖木真
若何酬之矣其妻戒以慎言毋使人聞以為竇道牧人乞失力克送馬渾至帳

前蒙古紀事本末

卷上

汪罕叛服

二十三

外聞是語以告其信巴歹巴歹往覘則克拉蘭于巴鄰苦延在帳外礮箭鏃
聞父母之語而曰汝等自泄機密事乃欲人為痔啞乎巴歹告乞失力克曰信
矣即乘夜來告帝並移營高失魯楚兒只特山路以去分軍於卯温都爾之踏
至紅柳林中蒙兀稱烏蘭不兒罕伊兒吉歹之從者奏出欲黑歹牙都兒正牧
馬見敵至亟馳告帝時駐哈蘭真額列特日出時倉卒備戰事慮眾寡不敵謀
於諸將烏魯特將木赤台以鞭擦馬鬣而無言忙兀特將忽亦兒答兒奮然請
先進謂當出敵之背樹我幟於奎騰之山不幸陣沒有三子在惟我主憐之諸
將亦奮謂雖東寇不敵或得遠天祐忽亦兒答兒為前鋒先敗只兒斤部為汪
罕部下最勇卒繼敗懿里失列門太石為汪罕大將攻至中軍鮮昆奮勇來戰
矢傷其面汪罕乃歛兵罷戰此役為帝一生有名戰事蒙兀人至今稱道之哈
蘭真額列特地近乞解國界然汪罕軍勢仍盛帝見不敵亟引退退後部眾渙
散帝乃避往巴兒渚納即北史之班朱尼河考之俄國幹羅是地有數小河而
是時水涸流濁僅可飲渾水帝慷慨酌水與從者搗當日從者無多稱之曰巴
兒渚納特進賞及後世馬既而渙散將士漸來過帝於鄂爾河數其眾得四千

六百人分兩隊沿哈勒哈河兩岸溯上流以行每隊二千三百人帝自率一隊彼岸之隊無烏魯忙兀等飛行及翁吉刺特分部之首帖兒格阿蔑勒駐地帝遣使謂之曰我等本為誥達今如相從則情好如舊否則以兵相見於是帖兒格兒阿蔑勒來附帝遂駐於董嘎淖爾脫兒哈火魯罕是地有湖有河水草茂美因以休息士馬遣阿兒海者溫謂汪罕曰我今駐董格淖爾脫兒哈火魯罕水草皆足矣父汪罕普汝叔古兒罕責汝謂我兄忽兒察忽思不亦魯黑汗之位不我與而汝自據之汝又殺塔帖木兒太石不花帖木兒二弟古兒罕乃逐汝至哈刺溫哈卜察汝僅遺數人相從斯時救汝者何人乃我父也泰亦赤兀之兀都兒富延八哈只二人則率兵無多汝往哈刺不花又往士拉壇禿朗古特後至哈卜察爾而至古蘇兒淖爾以遇汝叔古兒罕其時古兒罕在忽兒奔塔刺速特勢敗而遵僅餘二三十人自此入合申不復返我父奪古兒罕之國以復於汝由是結為誥達我遂尊汝為父此有德於汝者一也再者父汪罕汝避居於日入之地西遼在隱沒於中汝弟札罕不在察富古特之地我舉帽招之西故云大聲呼之以致彼來彼欲來而蔑兒乞迫之使不得來我令我兄弟自蔑兒乞

前蒙古紀事本末

卷上

汪罕叛服

二十四

中救之始得從察富古特之地以來乃救彼之人旋為被殺之人則我又以汝故而殺我兄弟二人此為誰誰徹別乞我兄泰出勒我弟此有德於汝者二也再者父汪罕汝如雲中日影緩緩而升如火緩緩而騰以來就我我不及半日而使汝得食不及一月而使汝得衣人問此何以故汝宜告之曰在木里察克連兒大掠蔑兒乞之輜重牧廢悉以與汝故不及半日而飢者飽不及一月而裸者衣此有德於汝者三也曩者蔑兒乞在不兀刺客額兒我使人往覘托克塔虛實汝知有機可乘不告於我而自進兵虜忽禿黑台哈敦察勒渾哈敦并其子忽圖赤老溫取其巢魯思而無絲毫遺我汝後與我並攻乃變在拜答刺黑別勒赤兒之地忽圖赤老溫率其部離汝而去可克薩古撒十刺黑遂掠汝之巢魯思我令博爾木木訶里字兒忽勒赤老溫盡奪之歸以致於汝此有德於汝者四也昔者我等在哈刺河濱與忽刺赤兒答禿兀特相近之卓兒格兒痕山彼此明約如有毒牙之蛇在我二人中經過我二人必不為所中傷必以唇舌互相剖訴未剖訴之先不可遽離今有人於我二人構讒汝并未詢察而即離我何也再者父汪罕我如鷲鳥自赤兒古山飛越捕魚兒淖爾擒皮色

藍色足之鶴以致於汝此鶴為誰某兒奔塔塔兒諸人是也我又如藍色之鷹越古闡淖爾擒藍色足之鶴以致於汝此鶴為誰哈答斤撒兒助特翁吉刺特諸人是也今汝乃仗彼以驚畏我乎此有德於汝者五也父汪罕汝之所以遇我者何一可如我之遇汝汝何為恐懼乎汝何為不自安乎汝何為不使汝子汝婦得安寢乎我為汝子曾未嫌所得之少而更欲其多者嫌所得之惡而更欲其美者譬如車有二輪去其一則牛不能行遺車於道則車中之物將為盜有像車於牛則牛困守於此將至餓斃強欲其行而鞭笞之牛亦惟破額折項跳躍力盡而已以我二人方之我非車之一輪乎凡此皆帝之言所以諭汪罕也又使謂阿勒壇火察兒曰汝二人疾惡我將仍留我地上乎抑埋我地下乎我嘗苦把兒壇把阿禿兒之子及薛徹別乞泰出二人斡難河地詎可無主我勸其為主而不從我因汝火察兒為捏坤大石之子勸汝為主而亦不從又因汝阿勒壇為忽都刺哈汗之子勸汝為主而又不從汝等必以讓我也由汝等推戴故思保祖宗之土地守先世之風俗不使廢墜我既為主則我之心必以俾掠之營帳牛馬男女丁口悉分於汝郊原之獸合圍之以與汝山數之獸驅迫之以向汝

前蒙古紀事本末

卷上

汪罕叛服

也今汝乃棄我而從汪罕三河之地我祖實驥慎毋令他人居之又使告脫忽魯兒曰汝祖為我祖俾為奴僕故我稱汝為弟汝父之祖塔塔為扯勒黑領昆都邁乃所虜塔塔生雪也哥雪也哥生闊闊出黑兒思安闊闊出黑兒思安生也該晃脫合兒也該晃脫合兒生汝汝思得我之基業阿勒壇火察兒必不汝與也在昔汪罕所飲之青鍾馬乳我以起早亦得飲之汝輩殆由是始我今去矣汝輩恣飲之量汝能飲幾何也又謂阿勒壇火察兒曰汝二人今從我父汪罕母有始無終使人議汝向日所為皆札兀特忽里之力也今如有人以我故而痛我將來亦必有人以汝故而痛汝縱今歲不及汝等明冬將及汝等矣又告汪罕曰請遣阿勒屯阿速黑忽勒巴爾二人為使或一人來昔我戰時木訶里把阿禿兒失銀鞍轡黑馬請以歸我鮮昆語達當遣必勒格別乞脫端二人來或一人札木哈請達哈赤溫阿赤黑失命阿刺不花帶阿勒壇火察兒亦各遣二人否則遣一人使人之來可以在捕魚兒淖爾遇我如我他邊則可在哈潑哈兒哈答兒罕之路尋我使者既各致辭汪罕曰彼言誠有理誠為愛損惟我子鮮昆有以答彼鮮昆曰彼稱我為請達而又嘗言我稱我父為父而又

嘗我父為好殺人之老老今日使不能違惟有一戰我勝則併彼彼勝則併我耳。即今必勒克別乞脫端建旗鳴鼓林馬以待。帝既遣使即率部眾往巴兒渚。納時有亦乞刺思人李徒為火魯刺思人所逐敗奔來告。木亦哈撒兒先別居於哈刺溫赤敦山。為汪罕襲掠。妻子皆失。途中糧絕以死。獸為食。尋至巴兒渚。納始與帝遇。汪罕自哈蘭真戰後。駐於起特忽魯哈特額列特。乃有蒼力台幹赤斤。阿勒壇者。溫火察兒別乞。札木哈。渾八鄰。蘇克該。脫忽魯兒。圖海。忽刺海。忽都。叫特。相與謀害汪罕。事覺。汪罕先捕之。於是蒼力台幹赤斤。渾八鄰。與撒哈夷。特部。呼真。部。來歸於帝。阿勒壇者。溫火察兒。別乞。忽都。呼特。札木哈。奔。乃蠻。太陽汗。是年。秋。帝。自。巴兒渚。納。起。師。將。自。幹。難。河。以。致。汪。罕。哈。里。兀。答。兒。察。兀。兒。罕。本。在。木。亦。哈。薩。兒。麾下。帝。遣。告。汪。罕。偽。為。哈。薩。兒。之。言。曰。吾。兒。離。我。今。不知。所。在。我。妻。子。皆。在。王。所。我。何。歸。哉。我。今。以。木。葉。為。帳。土。石。為。枕。望。星。而。臥。我。思。從。父。如。王。念。我。前。勞。許。我。自。效。即。束。手。來。歸。矣。汪。罕。信。之。遣。亦。禿。兒。干。威。血。於。牛。角。往。與。之。盟。三。人。偕。行。至。中。途。帝。兵。亦。至。哈。里。兀。答。兒。望。見。已。營。恐。其。見。而。返。轡。馬。良。行。駛。不。能。追。也。乃。下。騎。偽。言。馬。蹄。下。有。細。石。將。扶。去。之。而。亦。浼。

前蒙古紀事本末

卷上

汪罕叛服

二十六

其下騎。既下。遂被執獻於帝。帝以竹木亦哈薩兒。即日夜兼進。至徹徹兒溫都爾。山在克魯倫河。西上拉河。輒。出不意攻之。盡俘其眾。汪罕父子僅以數人逸去。行至中路。汪罕曰。不應與離之人。人亦不我離。而我自離之。今違此厄。皆一人之罪也。至乃蠻界之控坤烏孫。為守界將。火力速八赤。騰格沙兒所殺。送其首於太陽汗。太陽汗責其擅殺。鮮昆未被獲。逃經亦即納城。入波魯土伯特。即蕃。劫掠為生。部人逐之。逃至和闐喀什噶爾近地。曰。苦先吉察兒。喀思每。為哈刺赤部主。克力赤哈刺獲而殺之。

札木哈叛服

札只刺特部。部長札木哈。色辰。字端察兒之裔也。太祖妻為蔑兒乞。掠去。求援於汪罕。汪罕約札木哈。合兵攻蔑兒乞。敗其眾。太祖得字兒台。以歸。或云。札木哈部人。給古察兒。被札刺亦兒人射死。札木哈以為怨。遂合附於泰亦赤兀。帝四十五歲。羊年。與汪罕。合兵。攻乃蠻。同駐營。拜答剌。色勒。赤列之地。札木哈。構讒於汪罕。汪罕信其言。引去。猴年。及。翁吉刺部。畔去。合於札木哈。雞年。翁吉刺特亦乞刺思。火魯刺思。朵兒。奔塔塔兒。哈。蒼斤。撒兒。助特諸部。會於刊河。在額爾古納河。

稟御議立札木哈為古兒汗自此至禿拉河維澤國北舉足躍河岸揮刀斬林木而為誓曰孰洩此謀如顔上如斷木遂潛師而來有火力台者聞其謀以語其妻舅火魯刺思人麥兒吉台麥兒吉台謂宜速往告變予以翦耳之白馬夜經一古闕所謂園子是也其將曰忽蘭把阿禿兒其警夜之將曰哈刺蔑兒乞兒見而執之然是人亦心附於帝贈以己之黑馬謂乘此庶可以脫追者火力台又行遇別隊載札木哈白帳者欲執之疾馳得脫至帝處發其謀帝即起師迎戰於亦提火兒罕之地大破其眾札木哈遁翁吉刺部來降大年秋乃蠻大合眾攻帝札木哈率眾來應見乃蠻事敗即退掠諸部之先立己為汗者冬札木哈咬汪罕子鮮昆攻帝將戰時札木哈自知不能敵乃暗遣人告帝謂汪罕必不能勝之故帝四十九歲鼠年秋帝行至乃蠻境外客勒忒該哈谷濱哈刺河會將士議進兵自臨前敵指揮行陣時札木哈在乃蠻處望見帝軍容嚴肅謂左右曰乃蠻初舉兵視蒙古軍若菟羆羔兒意謂蹄皮亦不留今吾觀其氣勢殆非往時矣遂引所部離乃蠻軍而去及乃蠻戰敗後札木哈與哈谷斤等部來降帝欲生之札木哈求速死帝以禮厚葬焉

前蒙古紀事本末

卷上

札木哈叛服
哈谷斤撒兒助特叛服

哈谷斤撒兒助特叛服

哈谷斤撒兒助特二部本與帝不協附於泰亦赤兀帝與札木哈先曾遣使勸以歸附謂蒙古不同族者已皆來附況為同族二部不從遣使者面逐之至是聞泰亦赤兀滅亡益不自安乃與朵兒奔塔塔兒翁吉刺特等部會於阿雷布拉克殺牛一羊一馬一而為誓將潛兵來攻翁吉刺特部特因色辰為按陳諾延之父遣使告變帝與汪罕自虎敦淖爾起師至捕魚兒淖爾即今之貝特因淖爾色辰來合與諸部戰卒大勝帝五十歲鼠年乃蠻大敗遂與朵兒奔等部來降

翁吉刺叛服

翁吉刺特氏特因那顏女帝之后李兒台夫人也故離哈谷斤等部來合猴年冬帝四十六歲駐乞解界上察哈察兒地近界率兵攻蔑兒乞諸酋木赤哈薩兒未與斯役聞哲別言翁吉刺部畔去不告於帝自率所部往攻帝聞而責之翁吉刺以無端被兵為怨合於札木哈雞年遂與亦乞刺思諸部立札木哈為汗潛師而來帝起兵迎戰大破其眾札木哈遁翁吉刺部來降

伐滅泰亦赤兀

太祖十三歲遭父喪居於幹難克魯倫兩河間地時主泰亦赤兀部者塔兒忽台哈刺兒禿克忽力兒把阿禿兒族衆強盛欺帝之幼而他族亦多叛從泰亦赤兀帝族人最年長者曰脫端火兒真亦將叛去帝哀留之不從答以蒙兀俗語詞意決絕不顧而去諤倫額格自持禿克禿壽衆追叛者列陣而戰乃有多衆還歸察勒哈額不干腦後中矢帝視其傷察勒哈曰汝父去世而諸族叛離我力阻之以致重傷帝哭而出察勒哈創甚旋卒地烈兀阿八哈時在西域亦禿兒哥三人是時札只刺特部長札木哈色辰部人給古察兒居於烏拉該皆察勒哈後人是時札只刺特部長札木哈色辰部人給古察兒居於烏拉該布拉克與帝之牧地撒里客額兒相近札刺亦兒人拙赤塔兒茂勒牧於斯地給古察兒來掠其馬拙赤塔兒茂勒匿馬羣中佯臥俟其行遁射之死札木哈以為怨遂與泰亦赤兀合附又有亦乞刺思兀魯特那牙勤火魯刺思部皆合兵先是帝屢阬於泰亦赤兀有一次為掠去極其項鎖兒干失刺兩子救之得逸去始入卧於幹難河水中繼乃匿於鎖兒干失刺家羊毛車內獲免數年之久歷遇艱險天佑安全而部族來歸者且日衆及是札木哈與泰亦赤兀等部集兵三萬將乘不備來攻捏坤者亦乞刺思人也在泰亦赤兀部下而其子字

前蒙古紀事本末

卷上

伐滅泰亦赤兀

二十八

徒從帝故其父亦歸心焉時兵在古魯之地適有巴魯刺思人木勒克脫塔黑等二人先以事來今將歸捏坤乘其便遣來告變踰阿刺烏特禿拉烏特兩山中僻徑而至帝時在答闌巴勒朱思之地聞警亟集所部數其衆分千人百人十人共為十三古闌昔時游牧部族皆圍合為一圈子酋長則居圈子之中帝軍第一翼為諤倫額格并其族幹勒忽闌人二翼為帝及帝之子弟與其從人并各族之子弟三翼為撒姆哈準之後人布拉柱把阿禿兒又有客拉亦特之分族人又阿答兒斤人將曰木忽兒忽闌又火魯刺思人將曰察魯哈四翼為蘇兒嘎圖諾延之子得林赤并其弟火力台及博歹阿特人五六翼為莎兒哈禿月兒乞之子薛徹別乞并其從兄弟泰出及札刺亦兒人莎兒哈禿人七翼為渥禿助忽都朵端乞及其麾下八翼為蒙格禿乞顏之子程克索特及其弟皆為帝之從兄弟又巴牙兀特人酋曰翁古兒九翼為答里台幹赤斤及捏坤太石子火察兒族人達魯并都黑刺特努古思火兒罕撒哈夷特委神諸部十翼為都刺哈汗之子拙赤汗及其從人十一翼為阿勒壇亦忽都刺子十二翼為答忽巴阿禿兒及晃火攸特人速客特人十三翼為更都赤那烏魯克勤赤

那之後努古思人敵踰阿刺烏特禿刺烏特二山而至戰於答蘭巴勒朱思帝軍雖寡而大勝敵衆於是兀魯特布魯特二族來服近戰地有河多林木帝令以七十鏝烹俘虜泰亦赤兀等既賤避而之林木中散居朱里耶人居地與帝近一日皆出獵遇於烏者哲兒們山設圍相值朱里耶人四百以糗糧錫帳不給已歸其半帝堅要以同宿俟次日再獵既分與飲食次日獵復驅獸向之俾其多獲朱里耶人感之私相謂曰泰亦赤兀薄待我等帖木真與我素疏乃如是厚我真人君之度也歸途稱頌不巳其首烏魯克把阿禿兒謀於別酋馬喝亦巴答訥欲來從馬喝亦巴答訥曰泰亦赤兀何惡於我同為宗族何為棄彼就此烏魯克把阿禿兒乃與圖該烏魯自率所部來歸謂我等之來如無夫之婦無主之馬無牧之牛羊所以然者由我舊主長母之子虐害我也故棄而來從帝曰我以熟糗汝掉我髮以覺我又託我頰以起我我當悉力以助汝矣然其後朱里耶人復叛去圖該烏魯為忽敦忽兒章所殺朱里耶部自是渙散諸族皆謂泰亦赤兀無道帖木真衣人以己衣乘人以己馬能束其衆以撫其下皆相率欲附速兒都思人鎖兒干失刺曾脫帝於難其子赤老温把阿禿兒與亦速特人哲別本在泰亦赤兀部長哈丹太石之子布答麾下至是赤老温來附哲別則因泰亦赤兀既敗遁山林中無所得食力乏亦降巴鄰部長迷兒哥圖額不干并其子納牙阿刺黑已擒泰亦赤兀酋阿忽米把阿禿兒塔兒忽台哈刺兒禿克將來獻中道復縱之去惟父子來歸札刺亦兒分族朵郎吉部長木只角兒海亦率所部至朵朗古特辛古特之地歸於帝此皆帝四十歲甲寅虎年前之事也猴年春帝與汪罕會於撒里客額兒時托克塔已遣忽敦忽兒章糾合泰亦赤兀酋盎庫兀庫楚忽里兒把阿禿兒忽都答兒塔兒忽台哈刺兒禿克等共會於幹難河沙漠中帝與汪罕兵至敗之追及於恩古特禿刺思之地殺塔兒忽台忽都答兒盎庫兀庫楚忽敦忽兒章逃入巴兒古真忽里兒逃乃蠻泰亦赤兀至是始滅

伐滅蔑兒乞

太祖父也速該在幹難河放鷹時蔑兒乞氏人名也客赤列都於幹勒忽訥氏娶婦回也速該見其婦有美色遂與其兄弟等奪之為己妻即太祖母諤倫夫人也後蔑兒起兵復仇將太祖之妻孛兒台掠去太祖求援於汪罕合兵攻賊

前蒙古紀事本末

卷上

伐滅蔑兒乞

二十一

蔑兒乞道遇孛兒台同歸蛇年帝在霍拉思布拉思之地率兵攻兀都亦特蔑兒乞戰於孟察之地大俘獲猴年冬帝駐乞禰界上察哈察兒率兵攻蔑兒乞首阿刺兀都兒戰於谷闌捏木兒格思敗之犬年秋蔑兒乞首托克塔別乞與乃蠻不亦魯黑汗大合衆來攻遇雨雪士馬僵凍敵兵未戰而潰鼠年春帝四十九歲蔑兒乞首托克塔與乃蠻太陽汗合兵與帝大戰至薄暮乃蠻大敗蔑兒乞遁去冬再征蔑兒乞至塔兒河遇兀注思蔑兒乞首帶亦兒兀孫來降獻女忽蘭哈敦謂部衆無馬不能從征帝令散其衆於輜重後營每營百人以分其勢迨大軍行後其衆復叛劫略輜重仍為帝軍所敗返所奪帶亦兒兀孫遁去帝圍蔑兒乞於台哈勒忽兒罕盡取麥瑞脫塔哈林哈俺諸衆皆蔑兒乞部人托克塔與其子奔不亦魯黑帶亦兒兀孫既叛逃至薛楞格河濱呼魯哈卜察臨謂築寨以居帝遣孛兒乞勒諾延及赤老温把阿禿兒之弟沈伯率右翼軍討平之龍年冬復征托克塔至也兒的石河殺托克塔於陣當托克塔中矢死時其子忽都赤刺温赤攸克呼圖罕蔑兒根不能得父全屍惟取其首涉也兒的石河將奔畏兀兒遣哀不干為使先往亦都護殺之與四人戰於真河逐

前蒙古紀事本末

卷上

伐滅秦亦赤兀

三十

其衆忽都等遂西遁半年帝聞蔑兒乞人逃至乃蠻西界外集衆圖再舉乃命速不台往征製鐵車以賜曰蔑兒乞吾深仇也敗而遠遁如馬帶竿如鹿負箭若飛汝作鷹鷂若入穴汝作鋤若入海汝作網與汝鐵車以堅汝志速不台受命軍經阿爾泰山及之於吹河盡滅其衆托克塔子呼圖罕善射有蔑爾根之稱速不台生擒之時术赤以討乞兒吉思等部駐師西陲速不台懼致於术赤命以射首矢中的次矢劈前矢之簪而亦中的术赤大喜馳使告太祖請赦太祖曰蔑兒乞吾深仇留善射仇人將為後患仍令殺之托克塔後人無一得脫

伐滅主兒乞

主兒乞即月兒氏也哈不勒汗之後裔太祖十三翼戰敗秦亦赤兀後奉諤倫額格及术赤哈薩兒斡赤斤諾延與月兒斤諸族大會於斡難河濱林木中主酒者既行酒於薛徹別乞母忽兒真哈敦復行酒於其次母也別該忽兒真見也別該之酒不與衆同故怒以掌撻主膳者薛徹兒薛徹兒哭而言曰也速該捏坤太石去也以致受人之辱帝母子不怒亦不言別勒格台時掌帝馬播魯掌薛徹別乞之馬哈答斤人哈答克貝為播魯之從者來盜馬鞭別勒格台

執之播魯袒護從者斫別勒格台破肩流血左右皆怒別勒格台曰我傷未甚不可由我致隙然衆怒不可遏折樹枝互鬪勝之奪忽兒真火里真二哈敦薛徹別乞等歸而絕好繼復遣人議和返二哈敦金主遣丞相攻塔塔兒叛首摩勒蘇里徒帝聞之思乘此復前仇自斡難河起師招月兒來助待六日不至乃率麾下迎擊至渥勒佐殺摩勒蘇里徒掠獲甚衆得嬰兒銀搖車及車中金繡被金丞相獎其功授帝為察兀特忽里同時亦授客刺亦部長脫忽魯兒為王事定欲與月兒斤人修好餽以俘獲月兒斤殺十人奪五十人之衣騎帝怒曰昔者傷我別勒格台與修好而不從今又與我之敵相合而陵我引衆越沙漠至朵蘭布勒答克之地攻敗其衆薛徹別乞奉出以其妻孥遁去龍年冬帝年四十二歲合汪罕兵攻月兒斤時薛徹別乞奉出等衆散居於帖列禿阿馬撒刺之地兵至殺之

伐滅塔塔兒

塔塔兒共有六部哈不勒婦呼阿忽郭幹翁吉拉特氏殺塔塔兒巫者與構兵後俺巴該娶婦於塔塔兒部人報怨擒以獻金遇害族衆立忽都刺為汗起兵

前蒙古紀事本末

卷上

伐滅塔塔兒

三十一

往征塔塔兒十三戰未能得志緒年也速該戰敗塔塔兒獲其二酋曰帖木真兀格曰庫魯不花以歸其後也速該自翁吉刺氏處還道經杜克撒山遇塔塔兒人設宴因行走飢渴下馬共飲塔塔兒人思復前仇和藥毒之而死猴年冬帝駐乞解界上察哈察兒塔塔兒二酋察忽兒開兒伯克與歲兒乞泰亦赤兀諸酋聚合一處帝率兵攻之與戰於答關捏木兒格思敗之犬年帝自兀魯回失魯楚兒只特河率師攻察罕塔塔兒按赤塔塔兒二部戰勝盡俘其衆以殺也速該之罪男子年長者俱伏誅餘則分為奴婢

伐滅乃蠻

汪罕困於乃蠻亦難赤汗之兵太祖與汪罕交好援之羊年帝與汪罕合兵攻乃蠻乃蠻主亦難赤汗先卒二子曰太陽汗曰不亦魯黑汗太陽汗名太亦布哈受金封爵為大王故曰大王汗蒙兀人訛為太陽汗乃蠻有古出魯黑不亦魯黑之稱號故其弟曰不亦魯黑汗昆弟交惡分國而治弟轄境在北近阿爾泰山兄轄境在南近沙漠帝征不亦魯黑戰於乞濕渤巴失之地大勝其衆不亦魯黑逃於侃侃助特其將也廸土卜魯黑率一隊為前鋒為帝軍困逼避走

入山而馬鞍轉墜兵追及擒之是冬不亦魯黑將可克薛古撒卜刺黑率眾至
遇於拜答刺黑巴勒赤列之地鋒始交而日已暮各於戰地駐營待明日戰汪
罕多燃火於營而潛移其眾他從帝見汪罕不謀而去亦退至撒里客額兜犬
年秋乃蠻酋不亦魯黑汗與蔑兒乞撒兒助特衛刺特即兀魯特西域書亦稱
八河衛拉特居於左近其東有烏拉速特帖楞郭特客諸酋暨朵兒奔哈答斤
失的達三族居拜喀勒湖西與衛刺特乞兒吉思思為鄰諸酋暨朵兒奔哈答斤
諸部大合眾來攻帝與汪罕先遣人於貴赤撒克徹兒赤兒海乘高瞭望自與
汪罕離兀魯回失魯楚兒只特河向汪古部地以行近哈刺溫赤敦當阿蘭芝之
軋地金汪罕子鮮昆在邊外從而後行及山隘踰隘即汪古部界而不亦魯黑
已至見鮮昆軍謂其下曰此眾可聚而殲也遣阿忽出把阿禿兒及托克塔別
乞之弟忽都為前鋒猶未戰而鮮昆軍已過山隘至汪古部地乃蠻等軍從之
以巫術致風雪然風反吹雨雪敵不能進遂自山隘退回行至奎騰蘇尼特北
四十里有寒山蒙古
名奎騰似即是地之地士馬僵凍紛墜山澗不復能成列而潰後帝既滅汪
罕乃蠻太陽汗遣使卓忽難告於汪古部長阿刺忽思的斤忽里曰我聞有人
將稱帝我知天上惟一日一月地下亦不容有兩主請汝為我右手我將奪其

前蒙古紀事本末

卷上

伐滅乃蠻

弓矢阿刺忽思遣朵兒必塔失以斯語告於帝汪古部由此結好誠附鼠年春
帝會諸將於帖木該眾謂方春馬瘦侯馬肥而後可帝弟翰赤斤曰汝等安得
以馬瘦為辭我騎尚壯可用我馬汝等未聞彼之言乎彼既能攻我我即能攻
彼若敗彼可以獲大名勝負固有天定奚畏馬別勒格台曰彼欲奪汝弓矢若
竟被奪骸骨將於何地安置彼恃國大馬蕃敢為此大言我但先發制人奪彼
弓矢亦有何難奚畏馬帝然之望日起師行至乃蠻境外客勒忒該哈答濱哈
刺河駐軍多日而敵不至不得戰秋又會將士議進兵遣虎必來哲別二人為
前鋒時太陽汗已至阿勒台河與杭海山之間亦遣兵為前鋒而自與蔑兒乞
首托克塔客列亦首阿鄰太石衛刺特首忽都哈別乞札只刺首札木哈及朵
兒奔塔塔兒哈答斤撒兒助等部偕進帝軍有白馬以鞍翻墜於腹驚突而入
乃蠻軍中眾皆謂其馬瘦太陽汗因謀於眾曰蒙兀之馬尚瘦我若退軍彼必
尾追則馬力益乏我再與戰可操必勝其將火力連八赤曰汝父亦難赤汗臨
陣從未以人背馬尾向人汝今如是之怯何不令汝婦古兒八速來言畢含怒
而出太陽汗以是奮進帝令弟哈薩兒主中軍自臨前敵指揮行陣札木哈望

帝軍容嚴整謂其左右曰汝等皆親視我諳達今見其措置異於常人乎乃蠻
向來臨敵謂如宰小牛羊自足至項并皮革亦不存留今試視能否即離去是
日大戰至薄暮乃蠻大敗太陽汗先以重傷臥於山火力速八赤暨他將勸之
起而不應火力速八赤曰今我等尚在山半不如上山徐圖再戰太陽汗聞之
亦不應火力速八赤又曰汝妻古兒八速已盛妝待汝凱旋汝盍速起仍不應
火力速八赤乃謂諸將曰彼如有絲毫力氣必能答語起身今已如此我等與
其視彼死不如再戰使彼等視我死遂皆下山苦戰帝欲生致之而不從皆戰
死帝大獎曰麾下將士若皆如此尚何慮哉潰散夜走納忽嶺墜死者無算太
陽汗之子古出魯克逃依其叔不亦魯黑虎年復起師征乃蠻餘孽時不亦魯
黑獵飛鳥於兀魯黑塔山下莎酌河上兵至殺之古出魯克奔也兒的石河龍
年冬復征之古出魯克從者無多西遁西遼古兒汗西遼收撫之為義子嫁以
如帝六十四歲虎年哲別逐古出魯克至巴達克山撒里黑庫爾之地西八百
里色勒庫勒即此地殺之乃蠻餘孽悉靖古出魯克於龍年自別失八里至庫爾車歸於
古兒汗至元共十一年突而吉斯單天山以北西至錫爾與麻費闊那喝拉議

前蒙古紀事本末

卷上

伐滅乃蠻

三十三

兩河之間錫爾河阿先皆古兒汗屬地謀罕默德貨勒自彌沙奉父遺命亦歲
貢三萬的那金錢於古兒汗既而吞併近境國益強大遂不納貢又攻取布哈
爾令各城勿從古兒汗乃有撒馬爾干首譯斯滿亦來合復通好於古出魯克
使者往遇諸塗先是古出魯克知古兒汗無能為東方屬部皆叛從蒙兀西域
亦叛又聞其父敗殘舊部尚在藏匿思得其衆以奪國土言於古兒汗曰我離
舊地已久今蒙兀爾往征乞解乘今之時我往葉密里哈押立克別失八里招
集潰卒衆必來從可藉其力以衛本國古兒汗信之既東行乃蠻舊衆來附遂
肆劫掠復遇貨勒自彌沙之使欲共謀古兒汗即約東西夾攻西勝則西軍拓
地至阿力麻里和闐喀什噶爾東勝則東軍拓地至費那克特河議既定古出
魯克即進攻八刺沙衮通都古兒汗與戰敗之古出魯克退而集衆而貨勒
自彌與撒馬爾干之兵已至塔刺思擒古兒汗之將曰塔尼古古出魯克乘機
再進獲古兒汗陽為尊崇實則篡國自立越二載古兒汗以憂志卒古出魯克
既復得位復娶一妃勸以從佛教由是諭令民間奉佛不得奉謨罕默德暴斂
橫征每一鄉長家以一卒監臨之自至和闐諭民改教出示招集謨罕默德教

入辯論教理。眾皆至。其為首者曰阿拉哀丁。與古出魯克往復申辯。詞不屈。古出魯克慙沮。惱怒。詈而縛之。釘其手足於門。眾情咸忿。而無如何。惟望帝軍之至。帝亦聞之。故遣哲別往征。哲別示諭民間。各守舊教。從其先世所奉。勿庸更易。於是各鄉長皆殺監涇之卒。為應古出魯克在喀什噶爾軍未至先遁。沿路居民皆不容納。將入巴達克山。而哲別追及於撒里黑庫爾山。徑窄隘處。殺之。

書名	前後蒙古紀事輯		
版別	冊數	4	紙
定價	3.00		
編號	字第	1201	号

北京市中国書店定價簽

